



善化縣志



ル 5
3260
10



門
几
3269
卷
10

昭和十七年
十月十八日
藏

善化縣志卷之十七

官師

古侯地百里今邑宰古侯封也善化分建縣治肇於宋元符元年論者謂取令宰倡化邑人向善之意其紀官也首縣宰次師儒次丞尉次汛守主之佐之教誨而干城之母鰥爾職毋曠厥官相助為理民日遷善而不知豈小補哉志官師

歷代官制考

知縣

周制五鄙爲縣有縣正各掌其縣之政令然止二千五百家耳且爲遂大夫之屬吏而六鄉無之固與後世之縣不同又四井爲邑四甸爲縣邑方二里縣方十六里亦與後世迥殊春秋傳上大夫受縣下大夫受郡縣大於郡較之秦漢以郡統縣尤不相合惟春秋時有所謂邑宰者卽後世之縣令其或謂之尹或謂之公或謂之大夫則諸國名稱不同原不能一致也

秦令長

漢令長皆仍秦官掌治其縣萬戶以上爲令秩千石至六百

石減萬戶爲長秩五百石至二百石凡縣道國邑列侯所食縣曰國皇太后皇后公主所食曰邑有蠻夷曰道

東漢縣萬戶以上爲令不滿爲長侯國爲相掌治民顯善勸義禁暴罰惡理訟平賦恤民秋冬集課上計於所屬郡國晉大縣令有治績宜報以大郡不經宰縣不得入爲臺郎南宋諸縣令銅印墨綬進賢兩梁冠

南齊令

梁令長

陳令長

北齊令有上中下九等

隋令

唐縣令有赤畿望緊上中不京縣爲赤旁縣爲畿四千戶爲望三千戶爲緊二千戶爲上千戶爲中不及千戶爲下令導風化察冤滯聽訟獄凡民田收受縣令給之每歲季冬行鄉飲酒禮丞爲之貳縣尉分判

五代任官凡齷齪無能者始注爲縣令縣率不治

宋縣令初亦如唐建隆元年以朝臣爲知縣自政和後士大夫輕縣職靖康後詔初改官必爲縣乾道後詔知縣以二年爲任總治民政勸課農桑平決獄訟有德澤政令則宣布於治境凡戶口賦役錢穀賑濟給納之事皆掌之以時造戶版及催理二稅有水旱則有災傷之訴以分數蠲免撫存安集無使失業有孝弟行義聞於鄉閭者具事實上於州激勸以

勵風俗

元達魯花赤尹縣分上中下縣各有達魯花赤掌印知縣尹掌判署事又有赤縣達魯

明知縣縣分三等十萬石爲上從六品中縣正七品三萬石爲下從七品已皆爲正七品

國朝知縣因明制俱正七品有最要要緊中簡四項善化衝繁難要缺

雍正五年奉

上諭守令乃親民之官關係百姓之休戚故得其人則民被澤而風俗日厚不得其人則民生受累而風俗日薄自古安民必先察吏此不易之經也朕御極以來夙夜孜孜欲使薄海之內無

一夫不獲其所而此願一時難遂者則以縣令之不能盡得其人也果能得有猷有爲之人布散各省分膺民社之寄彼一人之精神力量足以貫注乎一邑凡督撫大吏耳目心思之所不能徧及者縣令皆能體察經理之則民生安得不厚風俗安得不淳而朕心無一夫不獲之願於是乎可遂矣向來各省縣令多循資按次照例選用之員故其中庸碌無能者有之年力衰憊者有之少不更事者有之以致苟且因循貪位竊祿諸事闕冗職掌廢弛此等之人尙不能顧一身之考成豈能爲地方之憑藉乎今因會試後天下舉子齊集京師朕思其中必有才品兼優之士是以特加遴選畀以縣令之任爾等亦各鼓舞踴躍欲乘此年力精壯之時爲國家宣猷效用意亦甚善然朕之望

於爾等者不僅在於辦理刑名徵收賦稅了簿書期會之責而已必須實盡父母斯民之道視眾庶爲一體剛柔相濟教養兼施化澆薄而爲淳良懲儉邪以安善類古稱愛民如子此語最宜體會父母愛子之心未有不教之正者縣令果視民如子豈有優柔貽害姑息養奸行婦人之仁忘聖賢之義而可謂之痼瘕保赤者乎書經曰罔違道以干百姓之譽自古聖賢爲治皆尙實政最惡虛名若時存沽名市惠之心必至爲同流合污之鄉愿又何能爲整綱飭紀之良吏乎從來父子之間施者不以爲恩受者並忘其感守令之於民果能潛移默化使閭閻習爲固然而泯其感頌之迹斯不愧父母之稱而媲美古之循良矣紳士居鄉每多違理肆行之處且師生年誼固結攀援弊端種

種朕令有司約束勸導之者無非欲其屏除舊習同歸於善並非令地方官有意摧折之也爾等莅任後於紳士之品行端方者則當加意敬禮以樹士民之坊表其小有過愆者則勸戒之令其悛改其不可覺悟不可寬宥者則真之於法以警其餘如此則賞罰分明輿情悅服而觀感興起比戶可封矣爾等既叨鄉薦皆以古之孝廉相比擬所當早夜思維何以克副此孝廉二字平時株守寒窗則以不獲見用爲歎今見用矣正可展布素懷發舒夙抱且以下第之人選期尙遠而朕破格遴選授以官職卽論感恩圖報之常情亦當人人自奮況朕實仗爾等爲朕教養斯民移風易俗以成一道同風之盛爾等豈可薄待其身而爲陋習所漸染私欲所牽制乎爾等果能卓然自立不負選用朕自格外加恩儻拜命之初一時感激而莅官以後頓改初心則不但國典王章無可寬貸卽清夜自思亦應無地自容矣勉之勉之

乾隆九年奉

上諭朕君臨天下愛育黎元厚生正德時切於寤寐蓋教養雖爲二端而實則相爲表裏衣食足乃可興禮義饑寒迫則罔顧廉恥是不能養民不可以言教民仍不得謂之養故教卽在於養之中養卽收教之效其理其勢固如此也乃今之司牧者但知用心刑名錢穀自顧考成苟免無過便爲得計上官亦卽以爲稱職其視百姓爲一體視民事爲家事以實心行實政經畫有方勸課有法使地無遺利家有蓋藏者百不得一雖遇有收之

年而小民之生計亦窘及荒歉偶形議蠲議賑已非上策而胥吏作奸豪強侵蝕種種弊端不可枚舉其百姓之狡猾者又復捏虛領賑欲無饜足以致效尤囂凌刁風日熾此雖百姓之無良亦由有司之不能教養於平日賈誼所謂移風易俗使天下回心而向道類非俗吏之所能爲也朕以教養之責付之天下督撫督撫分任之州縣此古親民之官與百姓最爲切近其所轄之地不過數十里或一二百里形迹不甚隔絕情意易於流通果能視百姓如赤子察其飢寒恤其困苦治其田里安其家室以父母斯民之誠心行父母斯民之實政凡茲小民具有秉彝斷無有不中心感激服教從風者外省向設宣諭化導使究之一二人之身難以家喻而戶曉且經年累月一至其地未免

一暴十寒終不若州縣各于其民勲勲懇懇惟教養是務以養爲教之本以教成養之功不爲具文不沽虛譽但期實有裨於民生而不責效於旦夕爲督撫者又當開誠布公諄切誨訓良吏則嘉獎成全之其不及者則督率勸戒之聖人曰至誠而不動者未之有也如督撫果以實心課吏有司果以誠心愛民歲月旣久漸摩淪浹庶幾教養可副朕之厚望焉

又奉

上諭爲治以安民爲本安民以教養爲本二者相爲表裏而不可偏廢務求實效而不事虛名乃克盡父母斯民之道蓋人君總其成於上而分其任於督撫督撫總其成於上而分其任於州縣州縣者民之司命而又於民最親者也身居此官身履此地

耳聞目擊切近易知非地遠情疏遙爲揣度者可比是則生民之休戚民俗之純疵雞犬桑麻之細日用飲食之常良莠之一其類勤惰之各異其情必一一洞悉於其中而後可以加之調劑所謂知州必能知一州之事知縣必能知一縣之事顧名思義循名責實豈簿書錢糧無誤期會遂謂可勝任而愉快也朕御極以來孜孜圖治訓飭大吏廣勵羣僚至再至三辭繁意複無非欲措斯民於衽席之安復斯民以降衷之性而細察近來有司究不免奉行故事罕有能深體朕意以致實政而收實效者夫一州一縣之事既不能周知洞見則官之與民益相隔而不能相親欲其視民之疾苦如家人之困厄視民之作僞如子弟之悖謠救焚拯溺竭力殫心不可得矣州縣所屬地方雖

廣狹不一事務亦繁簡不同然一月之中豈無齋戒停刑之日亦有因公下鄉之時果能乘此餘暇不辭勞瘁親履田間與父老子弟歡然相接如家人父子言孝言慈啟其固有之良化其惰窳之習而詢問疾苦講求利益度其原隰相其流泉審土物之宜因閭閻之便利所當興者舉之害所當除者去之則養與教兼施善政莫大乎是至於身所不能徧及之處則有約正值月人等或給之廩餼或加之獎誘使之分佈四鄉代爲化導亦可冀其分任耳目以助官之不及務使一州一邑之民情聯勢合如父子兄弟之相爲扶掖如頭目手足之相爲捍衛一州一邑如此他州他邑從而效之一郡一省如此他省他郡從而效之始則艱苦久則漸近自然所謂日計不足月計有餘古之循

善化縣志 卷之十七 七
吏獨不可再見於今歟是在爲督撫者實心以勸課屬吏爲州縣者實心以愛育羣黎勉強力行毋憚勞勩政成於上民悅於下事有必至理有固然語曰至誠而不動者未之有也爲其事而無其功者亦理之所無也用是再頒此旨通行訓誨自督撫以至州縣各官皆當身體力行以奏治效毋徒視爲具文焉

又奉

上諭直省州縣地方繁簡不同屬員中才具短長亦不一是以準各省督撫酌量人地相宜題請調繁調簡以收器使之益惟是調繁之員該督撫旣已特疏保舉向後非踰閑蕩檢未必不格外優容調簡之員該督撫旣已置之下考向後縱奮勉向上未必肯卽登薦章朕觀各督撫於屬員調繁之後因其貪劣改操

而檢舉糾參者尙偶有之至於調簡之後因其政績可觀復行薦拔者十不獲一此則成見私意之未化非虛公察吏成就人才之道也嗣後督撫等於調繁調簡之員均當秉公體察屏去成心覘其後效凡先舉而後參者國家有檢舉之條若先調簡而後保薦者亦著疏內摺內聲明具奏如此則被薦者必加儆惕之心卽更調者亦獲黽勉自新之路庶整飭吏治之一策歟

知縣年表 唐以前無考

宋

舒邦佐

元

潘必大

明

孟吉

莫如輔 廣東人

朱敬 靈璧人

盛時 東平人

賈晶 河南人

許麾 平山人

陸舉 興化人

謝泮 新淦人

趙廷釗 鳳陽人

章秀 錢塘人

張居仁

胡鐸

李威

方榮 歙縣進士

黃祐

郭泓 太和舉人

王瑄 南海舉人

胡廷賜 豐城舉人

呂廷爵 閩縣舉人

傅聖 南昌舉人

李朝 高淳舉人

殷輅 華亭舉人

蔡宏宇 馬平舉人

任惟鈞 巴縣進士

夏寶 南城舉人

傅棟 安慶貢生

陸南陽 武進歲貢

李仕亨 銅梁舉人

謝朝紀 宜山人

陳宏乘 南海拔貢

方道通 歙縣進士 雙美

吳珣

張應鳳 莆田舉人

張槩 莆田舉人

章樸 廣東人

鄭元韶 侯官舉人

錢鍾義 無錫舉人

馮應鰲 香山舉人

陳一鑑 萬年貢生

黃金粟 華亭舉人

洪應科 定海舉人 卓有新規

陳格言 吳江舉人

官師

唐源 舉錢塘人

張明憲 舉歸安人

黃承中 舉安岳人

馮挺衡 舉番禺人

唐際明 舉全州人

國朝

程附鳳 順治四年任 順陽縣人

宋式欽 順治五年任 宿州貢生

孫國泰 順治五年任 海州監生

倪康年 康熙二年任 閩縣舉人

員天佑 康熙六年任 益平人

潘之楫 舉瓊山人

彭塢 舉南昌人

夏揚名 舉昌邑人 長材 宏抱民仰福星

陳從周 監永豐生

趙含真 順治四年任 絳縣貢生

張繼前 順治五年任 濱州進士

李若珠 順治年間任 裔南貢生

陳食花 康熙三年任 龍溪貢生

郭懋勳 康熙九年任 山東進士

孫浩 康熙十二年任 山西舉人

何成猷 康熙十八年任 遼東例監

張聯芳 康熙十九年任 臨汾附貢生

滕天御 康熙十九年任 奉天例監生

陶錕 會稽例監生 志未載

梁任 康熙二十八年任 廣東舉人

章成 康熙四十四年任 廣東舉人

成泰勳 康熙五十八年任 直隸歲貢

賈汝翼 康熙六十年任 山西歲貢

魏周琬 雍正二年任 江南進士

李夢麟 雍正三年任 河南進士

李光宗 康熙十五年任 順天貢監

江謙 志未載 萍鄉人

曹允中 盛京吏員 志未載

王宣化 遼東人 志未載

孫謙 康熙二十三年任 高阜舉人

沈宗潢 康熙三十九年任 江西歲貢

蔡洛 康熙五十二年任 福建舉人

張端翊 康熙六十一年任 河南進士

李濤 雍正二年任 河南監生

熊學熊 雍正三年任 江南舉人

周宗旦 雍正五年任 廣西舉人

張光組	羅奇	徐旬龍	高自位	魏成漢	樊德懿	董炎	宋廷旃	張步青	李鳳生	何潛	郭位
任乾隆 山東舉人 十五年	任乾隆 餘姚舉人 二十三年	任乾隆 一年 二十	任乾隆 九年 十	任乾隆 廣東拔貢 十一年	任乾隆 江南監生 六年	任乾隆 浙江舉人 二年	任雍正 山東拔貢 三年	任雍正 浙江附監 九年	任雍正 山西舉人 八年	任雍正 陝西拔貢 六年	任雍正 江西進士 七年
張光組	吳世賢	張為護	康錫侯	蔡如杞	明英	韓宗蕃	張宏烈	曹階	金根	郭位	
任乾隆 江南監生 二十七年	任乾隆 江南拔貢 二十四年	任乾隆 景州監生 二十二年	任乾隆 廣西監生 二十年	任乾隆 湖北拔貢 十五年	任乾隆 正紅旗舉人 八年	任乾隆 山西附貢 三年	任乾隆 四川拔貢 元年	任雍正 陝西拔貢 十二年	任雍正 浙江舉人 八年	任雍正 江西進士 七年	

蕭聚坤	任其昌	葉元禎	李郁文	李世祥	魯大治	龔炎	荆道乾	傅廣聰	徐元辰	馮城	張何衢
任乾隆 廣東例貢 二十九年	任乾隆 四川舉人 十二年	任乾隆 浙江舉人 十四年	任乾隆 山東貢生 十八年	任乾隆 廂黃旗人 十一年	任乾隆 順天舉人 十二年	任乾隆 江蘇舉人 十六年	任乾隆 山西舉人 十七年	任乾隆 河南舉人 十九年	任乾隆 順天舉人 十四年	任乾隆 廣東舉人 十七年	任乾隆 湖北貢生 三十一年
張何衢	李玉樹	賈世模	陳國瑞	彭鳳堯	侯大成	白璟	李清棻	張士璟	李其豐	趙貴覽	
任乾隆 湖北貢生 三十一年	任乾隆 湖北舉人 三十三年	任乾隆 山西監生 三十六年	任乾隆 廣東舉人 四十年	任乾隆 廣東舉人 四十二年	任乾隆 陝西舉人 四十三年	任乾隆 廂白旗舉人 四十六年	任乾隆 陝西監生 四十八年	任乾隆 直隸吏員 五十三年	任乾隆 江蘇監生 五十五年	任乾隆 江蘇監生 五十八年	

徐璿	宋宴春	丁鈺	王餘英	福成	裘行恕	陳佐	姜鳳苞	張振翔	褚為章	張博
任道順天舉人	任江蘇附監	任江蘇拔貢	任嘉慶進士	任嘉慶廂黃旗舉人	任嘉慶江西舉人	任嘉慶江西拔貢	任嘉慶蘇州舉人	任嘉慶河南監生	任嘉慶直隸舉人	任乾隆山西舉人
俞昌會	董友筠	唐鳳德	李宗沆	王勳	黃應培	謝希閔	丁淑鑑	趙文在	光環	殷圻
任道順天監生	任江蘇附監	任河南附監	任嘉慶陝西進士	任嘉慶浙江監生	任嘉慶浙江舉人	任嘉慶順天監生	任嘉慶浙江舉人	任嘉慶山東貢生	任嘉慶安徽舉人	任嘉慶江蘇舉人

方炳文	沈洽	王光廷	張恩溥	王葆生	李瀚章	謝廷榮	陳秉鈞	李逢春	吳廷諤	德鈞
任道光湖北進士	任道光江蘇監生	任道光江西監生	任道光江西舉人	任咸豐安徽附貢	任咸豐安徽拔貢	任咸豐四川進士	任咸豐雲南進士	任咸豐直隸拔貢	任咸豐安徽舉人	任咸豐廂白旗舉人
孫宗煥	彭世昌	曹笏	易學超	胡鏞	孫坦	廷桂	鍾慶魁	章學淵	蔡式鈺	黃維瓚
任道光川拔貢	任道光江西進士	任道光江西進士	任道光湖北舉人	任咸豐直隸舉人	任咸豐浙江監生	任咸豐兼任正白旗舉人	任咸豐廣西舉人	任咸豐江西進士	任咸豐甘肅進士	任廣西舉人

黃杰 同治二年任

劉鳳儀 同治三年任

王開運 同治四年任

潘清 同治五年任

張培仁 同治六年任

麻維緒 同治六年任

吳長清 同治七年任

錢紹文 同治八年任

盛賡 同治九年任

羅慶薌 同治十年任

莊賡良 同治十一年任

陳國仲 同治十三年任

吳兆熙 光緒元年任

黃世煦 光緒二年任

冒沅 光緒三年任

儒學

漢郡國有文學武帝時天下郡國皆立學校平帝郡國曰學縣邑道曰校三學立經師一人鄉曰庠聚曰序序庠置學經

師一人

晉郡國並有文學即博士助教之職

隋潘徽為州博士

唐經學博士助教府郡置經學士各一人掌以五經教授開元二十六年勅州縣每鄉置一學擇師教授

宋乾興元年兗州守孫奭私立學舍生徒景祐四年詔藩鎮始立學慶曆四年詔諸路州軍監立學學二百人以上許置

縣學又置教學以三年為一任然或用兼官或舉士人委於漕司熙寧六年始命於朝建炎三年並罷紹興復置若試教

官則始於元豐

元各路置儒學教授正八品散府上中州從八品

明教諭一員訓導二員

國朝教諭一員訓導一員康熙三年裁訓導二十一年復設

雍正元年奉文凡教官非廩生由捐納出身者離任另補

雍正丁未科會試榜後差公正大臣將落卷閱取明通發榜

後由公正大臣挑取發各省以教職用乾隆丁巳科陝西學

臣周澍疏請照丁未例舉行部議大省四十名中省三十名

小省二十名湖南照中省例挑取壬戌科復舉行湖南照小

省例挑取乙丑科復舉行挑取十一名其選法將經制復設

二項缺與改降及恩副拔三項十缺得七缺輪選

湖南湖北教職原係分選因未分闈湖南應試人少中式寥

寥舉人告降者鮮故湖南教缺多為湖北占選甲辰分闈中

額平分紳士王文清等呈稱分闈後既截然兩省凡教諭缺

應各就近分選巡撫題請部議以戊午科為始湖南缺出即

用湖南人補選永為定例

教諭年表 宋元無考

明

顏敬守

傅顯

胡政 徐州人

馬鑾

璩隆 江西人

唐瑜

鄧穆 江西人

袁表

宋楫 錢塘人

沈露 龍溪人

鄒敏 新淦人

郭斌 通州人

趙恕 上海人

黎廷獻 南昌人

劉羽 武陵人

劉佩 漢川人

陳朝錠 閩縣人

葉福 秀水人

陳咸 中衛人

楊際明 太和人

曹思忠 武陵人

彭宗望 廬陵人

高雲鳳 雲南人

劉報國 龍里人

曾世烈 新化人

張國衡 南城人

熊國臣 豐城人

周制 麻城人

陸寬 饒平人

鄒復彝 高安人

孫世恪 漢陽人

劉漢 衡州人

張邦正 無為人

劉坊 江南人

胡侗 通山人

鮑正修 貴州人

易謹 宜城人

周溥 麻城人

劉振文 江西人先任瀏陽後任善化落籍河西曹塘橋

袁國弼 豐城人 吳鄉 黃梅人

國朝

丁昌際 臨湘人

蕭成韻 華容人

嚴珽 孝感人

方明弼 應城人

杜從忠 淮安人

胡公傑 漢陽人

姚之年 麻城舉人和霽下士訓課有方

鍾良知 黃州人

黃兼金 荊州人

黃仁讓 黃州人

張粹金 黃岡人

譚仙芝 衡山人

李孔授 衡陽生員

毛大鶴 新化舉人

資原庚 未陽舉人

楊侗 衡山人

汪雲從 石門舉人

陳熊蛟 瀘溪舉人

周世燦 新化副榜

顧應生 武陵舉人

彭璇 城步舉人

吳德漢 宜章舉人

黃思泮 溆浦舉人

申卓 邵陽舉人

楊遜 新化舉人

陳應軫 常甯舉人

劉德濬 桂陽舉人

張時 未陽舉人

歐陽鈞 新化舉人

方伯疇 道光元年任

馬運鑾 道光十五年任

張楚書 道光二十四年任

朱怡鎡 道光二十五年任

余士鏡 道光二十八年任

張勤 咸豐四年任

歐炳文 咸豐四年任

余澤榭 同治二年任

何濬年 同治三年任

田錫欽 同治八年任

胡鎮北 同治十一年任

廖昂 同治十三年任

陳運亨 光緒元年任

訓導年表 宋元無考

明 葉性 福州人

杜文顯 西克人

帥賢 南部人

武傑 上海人

李奎 南城人

王錫 銅梁人

高時傑 什邡人

馬出圖 崑陽人

馮愈 達州人

周霖 永豐人

盧孚 新淦人

陳方 鄱陽人

蔣鶚 全州人

何已萬

熊伯貴 巫山人

蔡仲寅 四川人

高諮 廣西人

龐汝周 崇陽人

李良牧 榮山人

朱賓 內江人

王暄 清平人

鄭德純 桂林人

汪正印 犍爲人

李縑 宜山人

吳復清 全州人

臧柏 太和人

葉文忠 松陽人

趙景賜 澧州人

唐民教 全州人

李存忠 宜山人

謝思元 常甯人

吳萃 德化人

李杰 合浦人

廖章 靈川人

程登雲 蘄州人

何其賢 黎平人

李守忠 荆門人

盧維祺 通山人

陳侃 辰谿人

張書縉 山西人

陳藝極 荊州人

錢誌 江陵人

周廊 道州人

吳邦賢 宜山人

曹廣被 興甯人

陳元巨 興甯人

饒光明 崇陽人

宋甲東 鄖陽人

于崇極 常德人

張國教 遼東人

胡宗周 慈利人

林廷材 漳浦人

易謹 襄陽人

熊嘉兆 竹山人

于從龍 建始人

蔡道亨 永明人

龔應期 容縣人

毛苞 公安人

潘自達 鎮遠人

劉祺 孝感人

國朝

唐昌蔭 房縣人

曾紹英 鄖西人

向廷樞 安遠人

鄭昌 黃岡人

趙應瑞 江夏人

王潞 歸州人

陳際鼎 黃岡人

羅士撰 衡山人

田祖藩 五寨人

蕭美仁 衡陽人

鄒成徽 新化人

李天特 芷江人

黃先昱 溆浦人

楊正 黔陽人

儲魁文 靖州人

印綬 乾州人

唐守曠 會同人

鄭其鳳 臨湘人

鄭聯魁 桂東人

孫起楠 新化人

傅信榮 華容舉人以

黃大觀 嘉慶二十五年

王正棟 邵陽廩貢

易坤元 道光十三年任臨

陳樂光 道光十三年

范光照 道光十九年任

方功栻 道光二十三年

張維翰 道光二十四年

舒永獻 道光二十六年

歐錫穀 道光二十八年

曾兆松 咸陽附貢

首鳴盛 咸豐四年任

羅承烈 咸豐五年任

張樹榮 咸豐六年任

石光銳 同治十二年任沅陵舉人

楊世鏞 同治十二年任甯遠廩貢

縣丞

漢丞縣丞尉多以本部人爲之三輔兼用他部人諸縣皆有主刑獄囚徒

東漢丞佐令長分理治事

南宋丞建康有獄丞

隋革選人盡用他郡人

唐丞京縣丞三員北京太原晉陽各用一人高宗始爲品官

貳於令

宋縣丞崇甯二年蔡京請縣并置丞一員

元丞上縣有縣尹縣丞中下縣不置丞

明縣丞大縣俱有中缺簡缺或置或否

國朝縣丞兼管水利 考舊志善化歷無主簿惟國初暮雲鋪設巡檢朱國弼雷允德張兆祥

李永嘉 宋純儒 康熙四十四年裁

縣丞年表 宋元無考

明

沈 壹 李忠

吳 雍 江西人 戴禮

高 璠 武城人 高舉

羅 通 武甯人 李濟 平瀨人

沈 鑰 鄞縣人 楊亨 合浦人

周士龍 武進人

莫 韶 四川人

林宗冉 福建人

謝 瑄 上虞人

李繼伯

陸 俸 貴州人

曾 書 捷為人議立荷塘驛夫馬頓蘇

吳國炳 巫山人

陶世愨 會稽人轉運便民獨甘清苦

方應科 廣西人

黎 清 蒼梧人

于有功 萊蕪人

林應期 昌化人

賈 權 南昌人

喬光願 昌化人

黃建安 莆田人

江仕良 婺源人

諸 曉 餘姚人

蔡紹宗 蓬州人

杜時振 雲南人

劉國楨 樂安人

謝光瑞 會稽人

蕭可新 廬陵人

鮑然陞 太和人

陳為儒 合浦人

劉學孟 長甯人

朱文英 山陰人

高應宿 汶川人

潘文奎 永福人

柴子通 桐廬人

施良策 會稽人

陳從周 永豐人

國朝

潘夢鯉 山陰人

金鳳毛 秀水人

黨 琦

仰士景 祁門人

朱國弼

戴三重 盛京人捐囊創署不費民財

黃 瑣 靜海人廉敏恭遜斯立之儔

蕭煒光 平遠歲貢

馮懋德 浙江監生

張壽益 紹興貢生

李琮 江都監生

許銓 歙縣監生

宋尙俊 滿洲監生

金承恩 蘇州監生

吳宗鯉 兼府司獄

戴廷槐 吳縣監生

尹宗夏 順天附貢

吳灃 江蘇吏員

何澤茂 福建貢生

蔣城 江蘇監生

范麟光 山西貢生

胡文元 大興歲貢

羅興河 南昌例貢

路可大 永年拔貢

金兆龍

張勤治 長沙縣丞兼署

陳逢泰 兼署

王士修 臬照磨

朱絲綸 浙江監生

黃漢瑞 廣東監生

林殿邦 福建拔貢

吳樹 浙江從九

沈美中 順天從九

張廷棻 安徽議敘

莊慶齡 江南監生

高試 江蘇監生

何嗣昌 山西監生

張曾壇 安徽監生

金家誥 順天貢生

龔燧 江蘇監生

李兆文 順天監生

莊心簡 順天吏員

曹淵 安徽監生

李世祥 廬黃旗人

陶渭川 順天議敘

周浩 直隸監生

方麟 廣東監生

余成鯉 浙江監生

周鑑 順天吏員

陳璉 江蘇監生

駱兆麟 湖北監生

張五德 順天吏員

魏正紀 浙江副榜

王學源 貴州拔貢

官師

李秉仁	何玉藻	陳樹梓	費元霖	李瓊	王瀚	孫濂	姚尙銓	趙銳	吳榮黼	壽永昌	姚光鈞	王慶嵩	毛瑞	何腆	孫濂	李日英	王懷棠	朱起豫	鄒颺廷	王文度	邵廷熙	
江蘇監生	浙江監生	浙江監生	浙江監生	河南監生	嘉慶二十四年任浙江監生	道光三年復任	道光九年任安徽增貢	道光十三年任漢軍恩貢	道光十五年任江蘇副貢	道光十九年任浙江吏員		順天監生	浙江監生	四川監生	浙江監生	嘉慶二十五年任廣東廩貢	道光六年任浙江監生	道光十年任安徽監生	道光十四年任湖北監生	道光十八年任安徽監生	咸豐元年任順天供事	

鄭毓誠	吳經炳	吳元漢	姚炳燮	歐陽賓	章裕麟	湯鎰	劉士彥	舒受祺	馮湘	鄧承華	金耀西	潘嘉運	吳夢麟	徐流慶	劉秉清
咸豐二年任貴州廩生	咸豐四年任江蘇監生	咸豐七年任河南附生	咸豐十年任浙江監生	同治元年任江西監生	同治三年任浙江監生	同治六年任山東監生	同治十二年任雲南附貢	咸豐三年任順天職員	咸豐四年任順天俊秀	咸豐八年任湖北從九	咸豐十一年任山東監生	同治二年任江西監生	同治五年任典史	同治七年任湖北監生	同治十三年任江西監生

典史

漢縣長皆有丞尉是為長史百石以下有斗食佐史之秩是

為少史大率十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼掌捕盜賊東漢縣各有諸曹掾史又曰諸曹略如廷掾監鄉五部曰三老有秩游徼嗇夫亭長春夏為勸農掾秋冬為制度掾南宋三老等員略如漢

隋鎮置將副戍置主副關市置令丞

唐因隋制

宋建隆三年始每縣置尉一員在主簿之下俸與簿同掌閱習弓手戢奸禁暴至和二年開封祥符增置一員元豐詔重法尉並差武臣元祐元年因蘇轍言罷武臣復差選人崇甯復元豐法置尉一員不治縣事掌捕盜及煙火爭競事於鎮

置監官若置若官

元有尉有典史主捕盜

明洪武二年仍元舊設典史

國朝邑設典史專捕盜賊典監獄

典史 宋元無考

明

戴顯

王剛

李紳

林亶 福州人

趙子雄

陽曲人

楊紱

蕭山人

甘時敬

葉清

江源

巴縣人

袁昇

東莞人

邵經 蕭縣人

黃簡 莆田人

李仁

徐蘭

胡表 富春人

曾統粹 贛縣人

何學禮 臨桂人

陳名世 莆田人

張化龍 巴縣人

李如涓 武平人

史大正 會稽人

桂春陽 臨川人

閻玉堅 廣東人

陳昇 蕪湖人

余珊

張希載 星子人

徐廷用 豐城人

鄧士選 鄆都人

范明錫 羅江人

馮一鳳 璧山人

楊宗儒 息縣人

俞應聘 江都人

何時遠 高安人

孫大理 汾陽人

張國彥 會稽人

龔士珍 福建人

國朝

張惟賢 福甯人

董文獻 蘇州人

朱之紱 紹興人

周熊 錢塘人

王文昱 陝西人

王熙佐 山東人

計體元 吳縣人

吳士高 南海人

詹一鳳 錢塘人

林廷暉 漳州人

屠光東 紹興人

鮑惟成 宛平人

朱夢元 會稽人

文再思 陝西人

王昌 陝西人

張森 順天人

趙思榮 山西人

沈起源 浙江人

沈心培 順天人

吳宗鯉 府司獄 兼署

沈漢謨 順天人

盛學萬 江蘇監生

魯越凡 順天議敘

周鑑 順天吏員

高榮 安徽議敘

鄒潤吾 順天從九

金炳 浙江監生

顧銓 江南人

程廷元 江南人

潘世忠 臬司獄 兼署

陳棟 浙江人

秦永寧 順天人

馮錫遠 順天吏員

張灝 江蘇監生

徐鈞 順天吏員

陳燿煌 福建監生

費元霖 浙江監生

沈汝鰲 浙江議敘

張岳 浙江監生

郭志 順天議敘

李應祥

田有慶 以上本

袁梓賢 道光二年任六年

惲際美 道光十二年任

嚴兆勳 道光十三年任

張炳麟 道光二十二年任

高以莊 咸豐六年任

陳殿邦 咸豐十年任

陳綬 咸豐十一年任

汪必啟 湖北監生

王森

錢起宗

沈廷模 嘉慶二十四年任

蔡鼎新 道光十一年任

曾旬 道光十二年任

廖壽孫 道光十四年任

張運慶 道光十五年任

王鴻翥 咸豐七年任

彭大椿 咸豐十年任

楊延泰 同治三年任

王至濬 同治四年任

吳夢麟 同治五年任兼縣丞事安徽監生

周夢齡 同治六年任

駐防 舊志未載今查照協署檔案從乾隆末年起依次增人

劉進忠 乾隆五十八年任

何升

陳元魁 嘉慶十五年任

張萬陞 嘉慶十五年任

陳萬興 嘉慶二十四年任

潘榮華 道光元年長沙人

莫而致 道光四年任

彭長春 道光五年任

林必勝 道光十年任

劉榮發 道光十三年任

洪開泰 道光十八年任

廖應珩 道光十九年任

張世楷 道光二十年任

游運珍 道光二十年任

彭組達 道光二十一年任

李萼 道光二十四年任

朱名魁 道光二十八年任

胡國安 道光二十九年任

廖洪順 咸豐元年任

高峻 咸豐四年任

孫正槐 咸豐五年任

滕嗣武 咸豐七年任

彭立鳳 咸豐八年任

唐定遠 咸豐十年任

甘棠 同治元年任

袁我林 同治二年任

周漢 同治九年任

周鳳翔 同治十一年任

袁我林 同治十一年任

善化縣志卷之十七終

善化縣志卷之十八

名宦 流寓附

史兼循酷備法戒於來茲志首賢能寓激揚於當代體雖不同義各有當孔子曰君子疾沒世而名不稱禮曰君子在國不非其大夫志其名而不名者可知也

國家分職授政由六卿之長以逮一命之榮苟有功德及民皆準入祀典謹倣舊志依次備登亦有功業卓然未奉祠祀而咸願辦香誌之者悉附載焉以垂不朽志名宦

漢

鄧 惲西平人建武中遷長沙太守先是光武時有孝子古初遭父喪未葬鄰家失火初匍伏柩上以身捍火火爲滅惲下車卽甄表焉民知孝行

張 機字仲景長沙太守時大疫流行治法雜出機著傷寒論金匱玉函方行世民賴以濟今建祠於賢良祠西

抗 徐丹陽人有智畧任長沙太守時桂陽賊胡蘭等陷郡縣徐與中郎將度尙討平之卒於任封東鄉侯

孫 堅富春人拜議郎時長沙賊區星攻圍城邑零桂賊周朝郭石起應之堅拜長沙太守設方畧討平之三郡肅然諸葛亮瑯琊人先主收荆南以亮爲軍師中郎將使督長沙

零陵桂陽三郡調賦稅以充軍實民一無所擾從祀兩廡

晉

陶 侃字士行鄱陽人長沙太守永嘉五年湘州流民亂推杜弼爲刺史陷長沙周顛爲弼所困侃擊破之尋都督荆湘諸州軍事後平蘇峻改封長沙郡公卒諡桓士行爲晉代第一流人物朱子約其大要曰勤謹有禮敦秩人倫其官湘州也嘗出遊見人持未熟稻詢爲路中手取鞭之曰汝不力田反傷人稻耶自是民勸於農嘗謂人曰大禹惜寸陰吾輩當惜分陰時五谿夷爲亂侃遣參軍討焉患遂平至今祠祀南城

城外 司馬承晉宗室譙王遜子篤厚有志行時王敦奸逆已著湘

善化縣志 卷之十八
州據上流詔爲湘州刺史躬自儉約加意撫育永昌元年敦反承歎曰地荒民寡其何以濟移檄遠近人皆應之會敦遣魏父領甲卒二萬來攻人情震動或說承南投陶侃或退據零桂承曰吾志死忠義豈可貪生苟免事或不濟令百姓知吾心耳乃嬰城固守相持百餘日勢孤援絕城陷父監送承於道中害之武昌主簿桓雄同徇敦平詔贈車騎將軍今祀五忠祠並祀賢良祠

南北朝 宋

謝 述陽夏人爲長沙內史有惠政元嘉二年徵拜中書侍郎出爲武陵太守

顧凱之吳郡人孝建泰始間兩爲湘州刺史善於涖民甚

有績

齊

王僧虔臨沂人湘州刺史清簡無欲所在以寬惠稱不營財產百姓安之

劉 坦南陽人長沙太守行湘州事嘗在湘州多舊恩道迎者眾下車治事天監初羣賊蜂起坦悉解之封荔浦縣男

梁

楊公則天水人持節湘州刺史湘州寇亂民多流散公則輕刑薄斂廉慎自持爲吏民所悅

陳

王 冲字長深瑯琊人繼父茂璋長沙內史監湘州事習於

法令政洽於理雖無赫赫之譽久而見思

隋

乞伏慧字令和馬邑人行潭州總管躬行樸素風俗大洽

唐

褚遂良字登善錢塘人貞觀中遷起居郎帝寢疾入受顧命高宗卽位拜吏部尚書帝欲立武昭儀爲后遂良置笏殿階叩頭極諫帝怒武氏立乃左遷潭州都督有政聲書與虞世南齊名故潭帖多其書法

李承高邑人爲湖南觀察使有名於時

楊憑宏農人爲湖南觀察使韓愈稱其領湖之南壤地二千里德刑之政並勸爵祿之報兩崇乃能存志乎詩書寓辭

乎歌詠所謂才全而能鉅者也

張謂河南人明皇時爲潭州刺史有善政著長沙風土記崔陵長安人遷湖南觀察使湖南舊法雖豐年貿易不許出境鄰部災荒不恤也陵至曰閉糶以重民困豈人情乎削其禁自是商賈流通貨物並饒

宗慶長沙太守仁愛及民時養子者三千餘人男女皆以宗爲名

宋

朱洞乾德時以尚書出守潭州始創嶽麓書院教化大洽學者振振雅馴行義好修幾於古爲吏者祀名宦

李允則字垂範太原人真宗時知潭州初馬氏暴斂計丁出

絹爲地稅潘美定湖南計屋輸絹爲屋稅營田戶給牛歲輸米四斛牛死猶輸枯骨稅又輸茶稅允則悉請除之度地墾田以耕會湖南饑欲發官廩先賑後奏轉運使不可允則願以家貲爲質乃得發明年饑亦如之全活無數興復書院請顏九經祀名宦

何承矩河南人知潭州囹圄屢空詔嘉獎典長沙日李沆王旦爲佐承矩厚待之以爲有公輔器

李沆肥鄉人舉進士甲科通判潭州趙昌言掌漕湖時謂沆有臺輔之量表聞於朝

馬知節蘄人監潭州兵時何承矩爲守鎮以文雅節吏治知節慕之因折節讀書賓友儒者論事謇謇未嘗有所顧忌

劉師道東明人大中祥符時以部郎知潭州敏於吏事所至有聲吏民畏愛

唐介江陵人通判潭州有巨賈私蓄明珠爲關吏所搜太守而下輕其估售焉介獨不售獄發仁宗謂近臣曰唐介必不肯買案具奏覆果然

吳中復興國人通判潭州初中丞孫樸薦爲御史或云公生平不識中復何由知之樸曰聞中復知犍爲及嘉州愛民清謹使之立朝必不苟且昔人恥爲呈身御史今豈有識面臺官耶遂遷殿中侍御史

李若谷豐縣人仁宗時知潭州洞庭賊數邀劫商船輒投入水中以捕獲無驗每貸死隸他州旣而逃歸復攻劫若谷擒

致之磔於市自是寇息

李綱字伯紀邵武人政和進士積官至侍御以言事忤權貴遷起居郎後以金人寇亂遷執政領諸軍事骨鯁忠諫奮不顧身奸臣讒沮屢蹶屢起紹興初爲湖廣宣撫使兼知潭州是時荆湖江湘之間流民潰卒羣積爲盜多至數萬人綱悉蕩平之上言荆地號用武之國荆南一帶宿屯重兵使四川之號令可通江漢之聲援可接乃有恢復中原之漸何正臣新淦人神宗時知潭州詔州縣民以貨易鹽吏或推行失措正臣條上其害謂無益於民且難佐國用遂寢之徐天麟臨江人通判潭州興學明教有惠政曾國廣元豐中戶部尙書罷知潭州政尙嚴毅萑苻斂迹

王罕舒縣人知潭州爲政務適人情不加威罰有狂婦數訴事出言無章前守每叱逐之罕獨引至前委曲徐問久稍可曉乃本爲人妻夫死妾逐婦而據其家貲因憤恚成疾罕爲治妾而反其貲婦良愈郡人稱爲神明

王庶慶陽人紹興時知潭州敷政寬平民懷其德

陳庸眉州人潭州觀察推官縣有孤女父時田產爲其族所沒訴於部刺累歲不得直庸被檄按之一語而決盡歸所侵地以故湖湘閒田訟皆詣所部求決於庸

薛弼永嘉人爲湖南通判楊么據洞庭岳飛討之么陸耕水戰樓船十餘丈飛謀益造大舟弼曰若是則未可以歲月勝矣今大旱湖水落洪若重購舟首勿與戰連筏斷江路藁

善化縣志 卷之十一
其上流而精騎直搗其壘則破壞在目前矣飛曰善兼旬寇盡平

韓世忠延安人建炎中以荆湖宣撫副使駐兵長沙與賊對壘弈棋張飲堅壁不動眾莫測一夕與蘇格聯騎穿賊營候者呵問世忠先得賊軍號隨聲應之周覽以出喜曰此天賜也夜伏精兵於白面山與諸將拔營而進賊兵方迎戰所遣兵已馳入中軍傳呼如雷賊回顧驚潰磨將士夾擊大破之斬賊將首湖南遂平

岳 飛字鵬舉湯陰人紹興元年權知潭州兼權荆湖東路安撫都總管時曹成擁眾十餘萬由江西厯湖湘據道賀二州飛擊破之五年除荆湖南北制置使命招捕楊么時都督

軍事張浚欲俟來年議之飛曰公能少畱八日賊可破浚許之飛招賊將楊欽等斬楊么果八日諸酋盡降而賊平浚問用兵之術飛曰仁信智勇嚴闕一不可帝嘗欲爲飛營第辭曰金虜未滅何以家爲或問天下何時太平飛曰文官不愛錢武官不怕死天下太平矣後爲秦檜所害甯宗時追封鄂王諡忠武祀名宦

劉 錡德順人美丰儀聲如洪鐘善射由東京畱守禦金人屢建奇功秦檜嫉之命知荆南魏良臣言錡名將不當久閑乃命知潭州六年軍民安輯築室昭山之下居焉諡武穆劉 玠潭州將官建炎中兵陷潭州玠挺身血戰中數十矢死民爲立廟張栻作記今祀五忠祠

趙聿之安定郡王叔康子建炎中授誠忠郎金人圍潭州帥
臣向子謹率眾守城顧聿之曰君宗室不可效他人苟簡聿
之感慨流涕金兵登城縱火城陷聿之巷戰罵賊而死朱子
請立廟祀之號忠節今祀五忠祠

句 濤新繁人高宗時知潭州秦檜嘗令人諭意欲與其政
濤以書謝之檜諷言官劾之不報濤上書論時事之害政者
帝歎其忠直

孟彥卿建炎中判潭州城中叛卒焚掠自東門出帥臣命彥
卿追之已而招安未幾杜彥潰兵自袁州入瀏陽犯長沙善
境彥卿率民兵追戰俄民兵有自潰者賊乘之獲彥卿支解
以徇通判趙民彥以民兵赴之尋爲賊所得邑士謝瀆助戰

亦被執賊並殺之朱子守潭州爲彥卿民彥立廟以清配享
今俱祀五忠祠

汪若海歙縣人紹興時沅湘閒曹成李宏歸附有異志若海
遺書曉之遂解散時朝廷方出師若海以爲當化盜賊爲我
用不可失英雄爲國患因獻平寇策高宗用之命知潭州

劉 琪字其父乾道八年復知潭州大修嶽麓書院養士千
餘人屬張栻往遊其間告以古人爲己之學祀名宦祠

辛棄疾字幼安歷城人乾道中遷湖南安撫湖湘盜起悉平
之又奏曰比年賊嘯聚千百至煩大兵良由州以財賦爲急
縣殘民而州不問縣以科斂爲急吏殘民而縣不問加以豪
民兼並生計日蹙民不爲盜去將安之請飭州縣以惠養元

元爲本又以湖南控帶二廣與溪洞蠻獠接壤武備空虛草
竊閒作乞創一軍以飛虎爲名詔委規畫不一月營柵告成
雄鎮一方祀名宦

衛 涇齊人孝宗時累官工部尙書以忤秦檜罷開禧初起
吏部尙書誅韓侂胄又忤史彌遠出知潭州時朱子寓南嶽
雅相知重涇奏朱子還朝而朱子卒乃爲梓四書集註以傳
朱 熹號晦菴婺源人紹興戊辰進士受學李延平乾道丁
亥訪張南軒於長沙講學城南嶽麓嘗語學者觀孟子道性
善及求放心兩章務收斂凝定以致主敬窮理之功紹熙癸
丑除知潭州安撫興學校明教化會洞獠不靖遣人諭以禍
福申嚴戒備戢奸吏抑橫豪而洞獠知化添置嶽麓書院齋

舍食田日治郡事夜親講論坐席至不能容從祀哲位

胡安國字康侯崇安人徙居長沙城南後提舉湖南學事倡
明絕學建書院於故居親沒稱疾不仕築室墓旁耕種自給
其季子宏字仁仲師事楊龜山卒傳父學安國從祀庶位
舒邦佐靖安人知善化縣處置輸納寄諸公帑常言吏蠹易
滋民寃難伸去之日民皆流涕

石孝隆知善化縣天資明敏心氣和平獄訟惟公賦役有法
去之日邑人惜之

安 丙廣安人知潭州湖南安撫使至官畱意學校請於太
常創大成樂

宋 慈理宗時提點湖南刑獄念獄案莫重於大辟大辟莫

重於初情初情莫重於檢驗而州縣悉以委之初官付之右
選更歷未深驟然常試重以作作之欺偽吏胥之奸巧虛幻
變化茫不可詰因博採諸書增以己見編爲洗冤集錄
眞德秀字景元號西山浦城人慶元時進士知潭州以廉仁
公勤四字勵僚屬以朱張學術源流勉士罷權稅除斛面米
申免和糶以甦民困復立惠民倉社倉慈幼倉惠政舉舉月
試諸軍射凡營中病者死未葬者孕者嫁娶者贍給有差累
官禮部侍郎上言唯學可以明心唯敬可以存心唯親君子
可以維持此心所著有大學衍義西山甲乙稿越甲乙集經
筵講義端平廟議翰林詞草獻忠集江東採荒錄清源雜誌
星沙集志諡文忠從祀兩廡

魏了翁字華甫浦江人端平初以資政殿學士知潭州崇重
道學從遊日眾著九經要義百卷從祀兩廡

向士璧字君玉常州人開慶中知潭州元將兀良哈解兵自
交趾北還前鋒至城下攻圍甚急士璧極力守禦聞後鏡且
至遣王輔佑往覘之以易正大監其軍遇於南嶽市一戰有
功潭州圍遂解賈似道妒其功安置潭州卒德祐元年詔立
廟潭州祀名宦

汪立信六安人景定時知潭州至官供帳之物悉置官庫所
積錢連歲代民納夏稅貧苦者予錢粟病者予藥餌雨雪旱
澇軍民皆有給興學校士習爲變以潭爲湖湘重鎮創威敵
軍募精銳數千人後果賴其用

李燔建昌人進士從朱子學告以曾子宏毅之語燔以名其齋嘗曰人不必待仕宦爲功業但隨力到處可以及物卽功業也理宗時通判潭州真德秀爲長沙帥一府之事咸諮賴焉不數月辭歸

江萬里都昌人理宗時知潭州時年七十有六聞襄樊失守鑿池扁其亭曰止水及聞警執門人手曰余當與國爲存亡及饒州破赴止水死

李芾字叔章其先廣平人徙家衡州知潭州爲湖南安撫使元軍圍城與諸將分地而守死傷相藉猶飲血乘城死戰圍益急諸將泣請曰吾屬爲國死可也如民何芾罵曰國家平時所以厚養汝者爲今日也有後言者先戮汝除夕元兵

登城芾坐熊湘閣召帳下沈忠曰吾力竭分當死吾家人不可辱於俘汝盡殺之而後殺我忠泣而諾乃徧刃之芾亦引領受刃忠縱火焚其居還家殺妻子復至火所大哭自刎幕僚陳億孫顏應焱皆死潭民間之多舉家自盡事聞諡忠節今祀名宦

文天祥字宋瑞吉水人年二十舉進士對策第一理宗時爲湖南提刑故相江萬里數奇天祥語及國事愀然曰吾老矣觀天時人事當有變吾聞人多矣世道之責其在君乎勉之後不屈於元作正氣歌殉節從容就義祀兩廡元

阿里海牙至元時爲行省右丞與左丞相伯顏會師破荊州

至鄂禁將士毋侵掠民大悅入江陵釋繫囚及法令之繁細者復還鄂詔潭州守臣李芾不聽乃移兵長沙拔湘陰至潭以礮攻木堡芾力屈自殺城降諸將欲屠之阿里海牙曰是州生齒數百萬口若悉殺之非上諭伯顏以曹彬不殺意也其屈法生之復發倉以食饑者

按江陵王廟在義和坊元初建祀湖廣行省右丞相阿里海牙王初圍潭州李芾嬰城固守力盡而死諸將乃開門入師同列兩參政怒其後降欲屠城王持不可兩參政不從遣使入奏王亦遣使附奏略曰臣初祖征受命陛下首以曹彬下江南不妄殺為訓今潭州城已降同列疾其拒命之久欲獮其民臣誠不敢負陛下先詔昧死為民請命上大喜奏下王宣布德音城中官民老釋無慮百萬賴王一言易骨而肉之夫天之德莫大於好生聖人一天下之道莫大於不嗜殺兵之不祥莫大於殺降殺降之慘莫甚於屠城將家一念之慘流毒數世後嗣興衰之報百不失一豈獨曹彬曹翰為有徵也王之孫多賢文武才器代有聞人天道昭昭矣節歐陽圭齋廟碑

哈刺哈孫至元二十八年湖廣行省平章政事上有旨發湖湘富民萬家屯田廣西以圖交趾哈刺哈孫遣使奏罷民皆感悅湖南宣撫張國純建言欲按宋末徵民間夏稅哈刺哈孫曰此乃弊政失寬大之意聖朝其可行耶止其議

謝端遂甯人延佑五年授潭州路同知滑吏束手不敢舞文法豪民無賴者遠遁去滯訟委讞剖決如流

明

滕楫浙江人洪武初知長沙府公直廉能當幾善斷發奸摘伏如神在任六年訟簡賦均民安盜息闔郡畏服

莫如輔廣東人洪武初知善化縣勤政恤民修舉荒廢卓有能聲

甄 誼西安人洪武中長沙同知勤勸課興學校禁強暴卓有政聲

朱 敬靈璧人洪武中知善化縣勸農修學均賦役平獄訟鄰邑有冤者咸訴於庭遠近頌之祀名宦

洪 鈞新城舉人永樂中知長沙府政通人和有甘露降於郡齋人皆賦詩紀瑞

顏敬守安福人永樂中善化教諭以學行著聞狷介自守不以顯晦易節召修五經四書性理大全

劉 燾安慶人永樂中知長沙府慈祥愷悌不施鞭扑有不善者但勸諭之人咸悅服秩滿去父老爭挽其舟

薛 瑄河津人宣德中以御史監湖南銀場黜貪墨正風俗

稍暇卽進諸生講學不倦

劉 政真定人正統中爲長沙太守公平廉介勤卹民隱奏減糧科田畝之荒蕪者盡闢之

韓 敏淮安人景泰中知長沙府平易近民無赫赫之政民甚德之

錢 澍金壇人天順中守長沙公正御下寬恕近民奸不能欺獄無畱滯修文廟建尊經閣及賈誼李芾諸賢祠

周 鈍通志作範浙江人成化中知長沙府時藩王初就國扈從者驕肆侵奪鈍岸然執義伸士師之法以禁制之民乃安息

盛 時樂平人成化中知善化縣會親藩開國征調繁重時悉心經畫民不告困縣舊治在城外時捐俸遷建入城

傅 顯江西人宏治中善化教諭操嚴性易不以貧害廉士子多自遠來從遊祀名宦

葉 性福州人宏治中善化教諭充養有道不以世務經心同知楊茂元聘爲嶽麓山長門下士彬彬稱盛祀名宦

陳 鋼鄞縣舉人宏治中長沙通判畱心民瘼訪朱張遺迹得書院廢址於荆棘中謀諸郡人出俸資建講堂齋舍立崇道祠以祀朱張

楊茂元字志仁鄞縣人宏治中山東副使以言事忤權貴謫長沙同知以興起斯文爲任加意書院表章隱德歷官刑部侍郎祀六君子祠

彭 琢吉水人宏治中任長沙司李以俸資嶽麓書院置田

養士清風介節始終不易卒之日貧不能殮士民痛之

唐 珉杭州人正德中長沙府知府時流賊不靖珉申嚴戒備卒賴保障

鄭 晃祁門人正德間任長沙通判其母督教甚嚴晃亦清苦自勵茹蔬啜粥毫不苟取潔白之操始終如一

陸 相餘姚人正德申知長沙府首重學校畱心民事節操冰清屬邑無貪墨吏

吳世忠金谿進士湖南分守道改嶽麓書院向時偕諸士討論學庸通旨清復南軒城南書院

潘 鎰婺源人正德戊辰進士嘉靖中知長沙府搜剔奸弊案無滯牘修郡志新學宮士林感戴

孫存潞州人嘉靖中由禮部郎出為長沙知府清操特立
畱心庠序課士必親加品題修嶽麓書院及敬一亭請置山
長藏御書以勵士風定藩田租銀民永賴之

張勉學長洲人嘉靖中分巡長沙平藩府租額聽縣徵解民
便之

顏鯨字應雷慈谿人嘉靖閒進士督學湖廣重實學敦先
型試湖南與諸生發明心性集諸生於濂溪書院論孔顏曾
孟旨著原性訂道諸篇後退居城北吉藩賜有湖名賜閒湖
今俗呼四方湖

姚宏謨秀水人嘉靖中任上湖南道副使正己率屬勤於政
事尋督學多所甄拔

樊景麟新繁人嘉靖中知長沙府清苦勤勞恤民簡訟民戴
之如慈母時有福星之稱

王廷南充人嘉靖中長沙同知愛民恤刑肅清戎政盡除
苛擾善決疑獄人不敢欺

鄭維城祁門人嘉靖中以給事中知長沙府才猷敏練聽訟
明允與吏民開心見誠校士尤精詳文風大振

王喬齡餘姚人陽明高弟嘉靖中任長沙兵道以理學抒經
濟政持大體敦尚風節講道嶽麓良知心訣多所發明

呂廷爵閩縣人嘉靖中知善化縣勸懲明斷建預備倉積穀
以濟饑民創惜陰書院以教學者

楊表龍溪人嘉靖中守長沙操守廉介才識明敏創嶽麓

六君子堂以振風紀焉

苟延庚眉山人嘉靖中兵巡道天資英敏蒞政嚴明胥役畏威豪猾屏迹

季 本會稽人嘉靖中以御史出知長沙府開講嶽麓書院四方多士從之

張西銘濱州人嘉靖中知長沙府實政惠民雅意造士在任六年清操如一嘗揭一聯云政拙不求妻子潤心勞惟有鬼神知

趙 璧山東人長沙通判嘉靖中里甲輸辦百物民苦不均璧爲均之署邑逾年清苦異常卒不能歸民斂金贖之

何思問棗強人嘉靖中長沙府推官耿介清廉人不敢干以

私與太守張西銘有兩青天之謠

翟 台涇縣人嘉靖閒任長沙司李吏治嚴肅銳於有爲濬西湖橋水停泊舟楫民號爲翟公套掌府事興學禮賢修惜陰嶽麓兩書院置食田號舍徵諸生肄業其中

蔡紹宗蓬州選貢善化縣丞下士愛民徵解南兌革常例羨餘三署縣篆清簡正直振起斯文後薦陞京縣丞

陸南陽武進人隆慶中知善化縣清廉慈惠訓諸生以行誼民有冤誣坐辟者南陽伸雪更生其人刻像祀之又於八都瀆河一帶築隄十里外防江漲內便行人至今名陸公隄民建祠祀之

高文薦成都人隆慶中知長沙府卻餽薄餼以淡素自甘修

嶽麓書院助恤貧儒善政累累吏畏民懷陞都御史

周 標晉江人隆慶中長沙知府督賦必酌緩急不苛贖鍰聽訟公明獄以不冤校士必手自品評人才多所振興

唐 源錢塘人萬厯中知善化縣文學兼以經濟實意愛民悉心釐弊嘗條議開南湖港利舶通商禁夫馬私斂以甦民困歲當大水力請蠲賑全活萬計每月課士手自品評謀於諸生吳道行創修邑志以勞卒於官貧不能斂士民捐資助之祀名宦

陳格言吳江人萬厯中知善化縣張弛皆中機宜重學校培養人材以驛遞疲民議復古路力為申請民困以免

張明憲湖州人萬厯中知善化縣立徵輸法置甲戶冊以絕

積逋那移之弊每聽訟推誠解紛持法無所假借

謝朝紀宜山人萬厯中知善化縣培植士林釐剔蠹弊徵賦井井有條不以趨奉疲民以陞府判去任

蔣希禹全州舉人萬厯中長沙同知四攝縣篆三視府事庭無滯案值兵將雲屯以一人兼府廳長善四篆贍兵安民合郡甯謐時以文行黽勉紳士蒞任八年陞安順守士民勒石志思

陶世殷會稽人萬厯中善化縣丞舊例縣佐徵收解運南兌有常規幫解及驗倉較斛加耗等弊世殷皆申詳革除暇則延集文士談論不倦所受民詞必盡得兩造曲直人無敢干以私者

善化縣志 卷之十八
關守箴河南人萬歷中知長沙府除煩苛安善良犴狴一空
革絕饋遺以禮法課士擢江黃道士民爭勒石建祠守箴正
色呵止之

陸 寬揭揚舉人萬歷中善化教諭工詩文問奇考業者屢
滿戶外輯修縣志筆削精嚴

劉 泉祥符人萬歷中知長沙府愛民如子禁追呼甘淡泊
政簡刑清士民建生祠祀之

甯繩武蘇州進士萬歷中長沙推官清真練達與諸士論文
循循如擁皋座修復道鄉西山二祠表揚先哲士民仰之
陳原道馬平進士萬歷中知長沙府不爲拘謹細行簿書一
目五行待下恩威兼濟人不能窺其指吏民畏而敬之

羅 緄嘉定人萬歷中守長沙厲節清苦歲旱甘霖隨禱而
應屬用兵時轉餉無闕民免追呼

馮應鰲香山人萬歷中知善化縣新邑治修學宮在官六年
清苦如寒素

李仕亨銅梁人萬歷中知善化縣時遭旱疫捐俸煮粥施藥
力請蠲賑尤惓惓興學造士內擢主政民勒石建祠

陳宏乘南海人萬歷中知善化縣政尙嚴毅內實和平力清
賦役疏通驛遞民甚德之

潘之楫瓊山人萬歷中知善化縣性剛果不避權貴徵漕民
歷苦南兌北解乃詳請民收官解每糧一石徵銀二分六釐
幫貼解費民得帖然

彭宗旺廬陵舉人萬厯中善化教諭風規嚴峻課教諸生品
隲精詳尤崇節義嘗修府志撰次有法

桂春陽臨川人善化縣尉嘗被檄催糧入鄉民廬舍自爲糞
殮與民相勞苦貧者許以緩貸民甚德之

吳道行濱州進士萬厯中長沙知府和平精敏在官九年風
移俗易尤以作人爲念歲遴學博文行兼優者主講陶公祠
取各庠俊士肄業其中仍捐俸月給廩餼人文丕變多以學
行顯名士有賢而貧不能婚喪者捐金助之祀名宦

喬光顧甯鄉人萬厯縣丞志潔履芳獨甘清苦一切時例力
爲剷除篤愛小民畱心學校以內艱去

何節漢州人萬厯中守長沙敏幹清操隻身蒞任周期案

無畱牘繕城堡清賦役興學校覈屯伍革陋規理訟雪冤卻
饋省費奉職勤勞祀名宦

曹司忠武陵人萬厯教諭軌度端嚴卽之溫藹教先倫紀重
名檢嚴課試不計餽贄非公不干有司諸生有受枉者必代
爲昭雪鑄造文廟銅爵鐵鑪簋籩豆開池建門豎坊題
額皆捐俸爲之

李良佐榮昌人萬厯訓導師範端楷圭角渾忘淡泊寡營尤
勤訓迪

江鐸仁和人萬厯中巡撫偏沅湖廣設偏沅巡撫自鐸始
也時洪州司特洞寨苗吳國佐反鐸移駐靖州遣總兵陳璘
七道進擒諸苗悉平

馮時可華亭人萬曆中以右參政分守上湖南道所至肅清吏治興革利弊積習爲之一除

侯堯封嘉定人萬曆中上湖南副使行清丈法民戴其德

劉昶祥符人萬曆中知長沙府事政簡刑清士民建生祠祀之

周懋相安福人萬曆中長沙府推官風稜峭厲奸弊剔除人不敢以私干者

李天植號仲涵廣德州人由進士任分巡副使恩威並著尤惓惓興學維風禮賢敬士與修撰張元汴講學嶽麓惜陰二書院以振多士時值荒歉捐俸濟饑給各庠每生銀穀若干士民感戴

徐人龍上虞人天啟中提學敏慧公廉科歲兩試手自評隲訓迪多方士習文風翕然丕變先是湖北每科溢額人龍力爭科舉加號舍分騰錄是年湖南北中式相埒後陞任天津巡撫祀名宦

林正亨福清進士天啟時長沙推官除強暴平獄訟剔弊興衰勤課藝新學宮行取兵科給事中民建祠祀之

高斗樞字象先鄞人崇禎元年進士由知府擢長沙兵備副使臨藍湖湘聞土寇蠡起長沙只老弱衛卒五百人又遣二百戍攸縣城庫雉堞盡圯斗樞至建飛樓修守具臨藍賊艘二百餘由衡湘抵城下相距十餘日遁去尋擊殺賊目劉高峯等撫定餘眾詔錄其功進按察使

邱志克諸城人崇禎中分巡湖南公忠憂國每集守令勸之
曰承平久矣有志者當思報國諸君優游飾文治竊爲不取
也尋遷布政使

石公蔭漳州進士崇禎中知長沙府勵已率屬政刑清簡時
稱爲石菩薩加意學校甄拔多得士

胡一龍長沙衛千戶崇禎十年臨藍寇攻長沙湘春門甚急
一龍率眾守禦中矢死

何仕紳華陽舉人崇禎中長沙推官清操愛民風節稜然直
指巡方稽察利病疑情滯獄無不爰咨攝中湘篆酌南兌均
郵傳豁虛糧雪冤獄湘民莫不德之

鄧承秀廣西舉人崇禎時長沙同知國變時督師題畱知府

廉平鎮靜調適兵民招集降卒安閒自若有長者風陞副使
分守上湖南解組歸田自食其力

堵允錫字仲咸無錫進士崇禎時知長沙府與蔡道憲周宏
謨同志匡時臨政明斷入覲時賊破湖湘俘殺略盡幸其再
涖民得少甦幕客余昇衢州人崇禎壬午從允錫禦賊梅山
界夜雨賊猝至昇持槊上馬率百人與賊戰前山不勝而死
允錫建祠祀之

高世泰無錫人崇禎時湖廣提學究心經史崇尚理學凡先
賢宜崇祀者舉之已載祀典者爲文祭之博徵名儒讀書濂
溪書院砥礪名節後多至顯官著有三楚文獻錄祀名宦
蔡道憲字元白號江門晉江進士長沙推官多惠政視民如

子衙首自署云冤人一字莫入此門冤人一事莫出此門崇
禎十六年獻賊攻陷荆鄂等處長沙戒嚴道憲竭力拊循八
月賊陷岳州旋攻長沙道憲令士民出城遠避身偕同官登
陴死守八月二十六日城破總兵尹先民降賊公北向再拜
曰願死見天子乃大叱賊眾云甯殺我身毋殺百姓賊釋不
忍殺道憲怒罵揮拳擊賊賊怒斷其手罵不絕口復截其舌
割鼻剜目仍噴血賊面賊知終不可屈乃磔之就磔時以刃
加頸曰蔡公忠臣肯一笑寢乎道憲仰天作笑狀賊皆流涕
從役凌國俊陳世科等九人從之不去次第就戮國俊與某
某乞裹其骸葬黃道門外醴陵坡上皆自經死賊退士民哀
慕建祠事聞贈太僕寺卿諡忠烈祀名宦

案殉忠烈九人凌國俊外有李師孔陳賢二人見行狀又陳
世科自縊於永豐倉劉世鳳死之忠烈致命在明月池距永
豐倉不遠是世科即九人之一合之
劉世鳳則知姓名者已得五人矣

周二南字汝為雲南選貢崇禎時為府通判盡心職事與蔡
道憲深相得道憲死二南力呈於上官獲請卹久之擢岳州
知府士民畱以新秩還長沙李自成自興國閒道入境二南
督黃鎮兵出禦於瀏陽之官渡沒於陣事聞贈太僕卿祀忠
烈祠
劉熙祚字仲緝武進舉人崇禎十五年巡按湖南李自成陷
荆襄張獻忠破蘄黃臨江欲渡熙祚檄諸將分防江潁會賊
馬守應窺常德土寇甘明陽等助之熙祚馳至常德斬明陽
及還長沙武昌岳州相繼陷急令總兵尹先民等扼羅塘河

巡撫王聚奎聞賊逼撤守走湘潭惠王至長沙與吉王謀出奔熙祚奉以奔衡州衡州桂王封也聚奎兵至大焚劫王及吉惠二王皆登舟避地熙祚單騎赴永州爲城守計未幾衡州陷永士民間之空城逃熙祚乃遣部將護二王走廣西而已返永州拒守賊騎追執之獻忠踞桂王宮叱令跪不屈賊羣毆之自殿碱曳至端禮門膚盡裂械至甯鄉有言甯多義兵將謀奪巡按者賊怒磔之事聞贈太常少卿諡忠毅

何騰蛟貴州人天啟舉人崇禎十六年撫湖北明年八月福王命兼撫湖南尋總督軍務南京有北來太子事中外以爲眞朝臣皆曰僞騰蛟力言不可殺與當國者忤左良玉舉兵反邀騰蛟偕行不可解印付家人令速走將自剄爲良玉部

將擁出置之別舟躍入江漂十餘里漁舟救之則關帝廟前也覓漁舟忽不見遠近謂騰蛟得神佑益歸心騰蛟轉瀏陽抵長沙集諸屬吏堵允錫等痛哭誓師兵勢稍振李白成斃於九宮山其將劉體仁郝搖旗等率四萬餘人歸騰蛟聲勢大震唐王立拜東閣大學士兼兵部尙書仍督師令歸取江西及南都

天兵至長沙騰蛟走衡州及辰州謀復長沙至湘潭

天兵襲之遣將徐勇引軍入勇騰蛟舊部將也率其卒羅拜勸降騰蛟大叱勇遂擁之去絕食七日乃殺之唐王慟之賜祭贈中湘王諡文烈官其子文瑞僉都御史

按湘潭志順治乙酉正月十九日騰蛟殉難於城西流水橋暴屍月餘顏色不變潭人合其身首瘞之康熙乙巳其族子

之玉始白於有司乞骸歸里今所瘞處多見靈異

華宛綸無錫歲貢獻賊陷長沙督師何騰蛟檄宛綸同知府事闖賊餘黨逼湘陰知府周二南往禦死之乃擢宛綸爲長沙知府委以經理至則悉心謀畫紓民困給兵食軍威大振未幾

天兵至潭督師意在嬰城固守宛綸以城中乏食請止畱精銳開城出婦女老幼聽其逃生一時歡聲震野督師復令宛綸徵餉他郡而長沙失守百姓遇宛綸於道擁馬痛哭感其開城活已也後披髮入山不知所往

國朝

李棠馥高平人順治中提學湖南凡所拔士皆中雋棘闈人

服其識後官湖廣參議亦多惠政

張兆熙漢中人順治中湖南道副使綏輯流逋奏免荒田賦民以安集九年再擢兵燹兆熙撫卹備至捐貲賑饑病者濟以醫藥全活甚眾

胡允甸容人順治中湖南道副使除奸剔蠹羣小斂跡卒於官至無以殮

趙廷臣鐵嶺衛人順治十年湖南道僉事以清幹稱時軍需旁午廷臣倉卒立辦夜常秉燭治文書剖決無畱滯屢平反冤獄加意恤民行路爲之感泣

高天爵高密人順治中知長沙府時討李定國綜理軍務籌軍餉事集而兵民帖然以父疾解組去後守建昌值閩亂被

善化縣志 卷之十八
名宦
言
執不屈死諡忠烈

孔延禧奉天人順治中知長沙府當亂離後招集流亡躬親
訟牘郡無冤獄

張宏猷奉天人順治時知長沙府當軍興時羽檄交馳符牒
手自裁決御吏以嚴治民以寬尤加意學校待士有禮貧乏
者歲時賙之祀名宦

蔣應泰大興拔貢廣西知縣經略洪題畱軍前委以興屯奏
效陞長沙同知攝郡篆當大軍絡繹躬親支應民困悉甦操
勵冰霜斷獄明允甄拔人才寬恤徭役士民至今感之
蘇宏謨直隸人順治時長沙同知時士馬雲集兵民雜處宏
謨加意撫輯兵不擾而民安

孫國泰海州衛人知善化縣時師旅未輯法嚴詢謀國泰申
嚴保甲民不坐累重修學宮集士論文振興人才

嚴 珽號踴菴孝感舉人順治庚子善化教諭歷十二年清
貧自守擇士之優者肄業兩廡爲具盤餐膳之

卽永清奉天人康熙三年湖南布政使時值開藩之始瘡痍
未復永清招徠撫育民得安堵尤勵風操勤吏事凡民間利
病政理得失侃侃持論必達其志乃已永寶諸郡溪流悍急
漕運維艱力請改折湘南舊食粵鹽灘險道遠商民交病請
食淮鹽民咸稱便其他繕城修學清理戶口田賦條目井井
祀名宦巡撫趙恭毅有傳

周召南奉天人康熙初巡撫偏沅首疏驛遞夫馬之困檄州

縣各建義學文風大振三年移節長沙長沙之駐巡撫自召南始

張仲舉湖南布政使吳逆踞城枯骨遍野仲舉捐買城外山地收埋白骨永爲義山時投誠僞弁甚眾仲舉多爲安插給地墾種無不得所萑苻向化

范時秀湖南按察使吳逆背叛時從逆者眾凡各府屬盜命等犯解審時秀立行判決獄無冤民府城三獄囚食皆捐俸以濟

施世綸福建人湖南布政使初涖任除陋規減火耗振刷利弊官吏懾服湖南自康熙三十年丈量之後里役雖免而正餉外有徭費額漕外有京費世綸爲除徭費量折京費士民勒碑紀之

趙廷標錢塘人湖南驛鹽道矜憐暴骨及無主露棺捐金買白沙井山地一處建塔召僧收埋永爲義冢清兌運之弊拯驛路之苦時稱爲趙佛爺士民建祠吉祥菴側祀之

任紹燿河津進士康熙戊午隨師南征著軍績擢知長沙府時地方初復城野蕭然滿漢兵十餘萬駐城中紹燿經畫供輸事集而民不擾士民建祠吉祥菴側祀之

郎廷棟滿洲人湖南按察使政簡刑清多惠政祀名宦

蘇佳嗣號哲人宏謨子康熙時長沙知府楚地水陸交衝舟車往來每遭暴客佳嗣令上自衡州下至岳州於險要處買舟置鑼增立塘汛晝夜巡捕綠林斂迹恢復後法令縱弛胥

善化縣志 卷之十一
三
役狎玩佳嗣整肅嚴明滑吏刁民凜冰束手重修郡志考核
詳明大有史才

趙甯字管亭山陰人康熙中長沙同知聽斷明允民隱不
能上達者爲力申大府得可乃已尤以文雅飾吏治招致名
才肄業嶽麓書院每於霜菊黃時開閣雅集或夜渡湘水尊
酒論文手輯嶽麓志備名山掌故建嶽麓書樓暨諸亭榭在
官四年清風兩袖陞任去士民謳思之

王駿字仲干蕭山人糧捕府舊例里甲額有兌漕常規駿
潔已愛民一切陋規盡爲除革

滕天御奉天人康熙庚申知善化縣恢復後衙舍傾圮前令
皆寓民居天御卽舊址創官署修葺學宮不以工役累民卒

於任

梁任廣東舉人知善化縣敝衣蔬食不以家累自隨會有
丈量之令躬履田疇均平畫一湖南之田自前明萬厯開湖
北增新隄湖水上溢田不可耕久失故額任悉爲清釐力請
豁除租賦以薦擢禮科給事中卒邸所

陳際鼎號立崖黃岡人善化訓導趙恭毅修復嶽麓書院廉
其文行聘爲山長與諸生講論切磨多所成就今書院左去
思碑郭金門撰

孫謙高阜舉人康熙二十三年知善化縣邑志自明末續
修後迭遭寇亂淪散無稽謙聘紳士纂輯又以邑經兵燹鮮
知孝友朔望集民講解律令力爲開導風俗漸厚

丁思孔奉天人康熙二十九年巡撫湖南時逆藩始平拊循凋瘵務存寬恤振興文教疏請頒國子監校刻經史置嶽麓書院政暇集諸生講論至今書院有丁公講堂祀名宦

吳 璵沁州人康熙三十四年總督湖廣奉裁湖廣兵額區畫得宜餽遺不納 奏增湖廣鄉試解額

李輝祖漢軍人康熙三十七年總督湖廣奏均湖南田賦令民自丈而以官閒為覆驗以期事覈而民不擾並疏劾偏沅巡撫楊鳳起於藩司任內造報失實吏治振興

郭 琇即墨人康熙三十八年總督湖廣 奏湖南地廣民稀民多逃避不能完課請減錢糧十分之三復條陳三事並從所請湖南積穀百萬四千八百石琇請五分積儲五分碾

米以平米價又請以沅州總兵移駐鎮筸增湖廣中額十三名俱下部行

蔣永修宜興人康熙中提學湖廣特疏請復周元公世襲時各屬學宮多敝陋永修按試所至即飭修葺凡四十餘處並置義倉義學士民感勸

趙申喬字慎旃江南武進進士康熙四十一年巡撫偏沅移節長沙剛直清廉力減加耗痛革私徵下車檄告屬吏莫不惴恐頒定漕米斗斛禁革一切私派並驛站夫馬工料等銀於本州縣實銀內坐支又革鹽商規例請準貞節給建坊銀葺古賢祠飭還侵地屬吏進見霽容溫語俾得盡言利弊惟嫉惡如仇未嘗少貸在任八年常俸外不名一錢簿書填委

親自勘決文移奏章不假他手一切政績楚人輯而刊之名
趙公實錄位終戶部尙書諡忠毅祀名宦

勅祀賢良祠

潘宗洛江南宜興人康熙四十二年督學湖廣拔置多知名
士謙恭下人又六年巡撫湖南繼前撫趙申喬題請分闈試
士以避洞庭之險雖格於部議士林德之祀名宦

額倫特滿洲人康熙四十八年湖廣提督紅苗向負固額倫
特宣布威德開導多方遂歸化五十二年擢總督履勘湖南
諸州縣廢壞四萬六千一百餘頃疏請聽民墾闢下部議行
湖南北例有藩庫羨餘額倫特發各州縣衛所買穀備賑造
巡船百艘以資緝捕及修孔道橋梁凡所興舉民利賴焉祀

名宦

陳 瓚廣東海康進士康熙五十四年巡撫湖南下車日衣
冠儉素馬後老僕三人負敝簏以從屬僚迎境上莫知爲誰
頃之聞已至署皆驚嘆滅火耗以裕正課定子庫息錢以惠
窮黎善政極多祀名宦

宋 致河南貢生湖南布政使愛民重士康熙五十四年詳
準湖南各屬士子因湖北洞庭之險願捐三年廩膳科舉盤
費歲貢旂扁舉人會試腳價各項銀兩等情於長沙府分設
科場與撫臣李發甲捐俸籌建貢院後格部議至雍正二年
舉行多士感戴今附祀名宦祠

李發甲字瀛仙雲南舉人由司鐸歷臺省疏請澄清吏治加

善化縣志 卷之十一
惠窮黎廣雲貴兩廣會試中額累遷福建布政使康熙五十
五年巡撫湖南始下車值大雨澗旬湘水漲泛請帑賑乏釐
奸剔蠹吏治肅然念洞庭重湖浩瀚士子赴湖北鄉試冒險
涉遠性命堪虞三疏懇請分闈捐俸創立貢院既而格於部
議乃改爲湖湘書院迨雍正元年七月欽奉

上諭分闈因貢院先已齊全卽於次年二月甲辰科舉行南北兩
闈鄉試以勞卒於官祀名宦

呂謙恆編修前長沙府知府肅高之祖也康熙庚子典試湖
廣時湖南士子阻於洞庭應試者少先後以分闈請者巡撫
趙申喬潘宗洛李發甲俱格部議及謙恆試竣密奏適當雍
正改元由編修轉御史復申請焉始克準行今附祀名宦

張安世旗下人康熙五十八年湖南按察使狀貌魁梧居官
廉明鋤奸去莠當承令丈糧時威除豺狼恩洽徧屬至今口
碑載道

楊宗仁奉天人雍正元年任湖廣總督廉潔勤敏鹽商舊規
數萬金及諸饋遺悉屏絕每春輕騎出郊勸農捐俸備賞以
示獎勵諄諄教以孝弟忠信瀕水隄防歲時巡行修築年獲
屢豐鄰境偶有饑民入楚先賑以糜粥繼卽按名給米寒予
衣歸給糧咸保全以去尤加意武備各屬武弁考核精實標
兵按期校習賞罰公明士卒競奮疾革前數日猶閱兵不稍
怠以勞卒官贈少保諡清端世襲騎都尉雍正十年

勅祀賢良祠

布蘭泰滿洲人雍正三年任湖南巡撫疏準湖南襟江帶湖
港汊繁多每有不法船戶糾匪肆竊或合資買舟假貿易爲
名沿途行劫請嗣後一切小船照沿海商船例地方官取船
戶鄰右保結編號給照不時稽查至漁船奸良更爲難辨請
照陸地保甲例編十船爲一甲一船犯盜竊許九船公首隱
匿事發同甲一體治罪後終古北口提督諡愨僖

邁 柱滿洲人雍正五年湖廣總督疏請以湖廣額徵丁銀
攤入田糧其續報勸墾及自首隱匿陞科俟再遇編審攤入
又以永順保靖桑植土司改土歸流請於永順設知府條奏
苗疆事宜俱如所請後陞大學士卒諡文恭

賀宏聲字上俊浙江鎮海人雍正六年湖南按察司獄囚米

舊多糠粃不可食宏聲飭加春播復捐俸置田補其不足監
犯冬月例給寒衣裝棉每爲縫工乾沒宏聲妻董氏性慈仁
每歲先期購棉親緝按名給領囚賴以不寒宏聲因老乞休
僑寓省垣占籍善化

謝濟世號梅莊廣西全州人官御史未一月劾河南巡撫田
文鏡謫戍軍台乾隆改元赦還復職慷慨言事如故授湖南
糧道善化令樊某以浮收被控濟世查辦甚嚴爲上官所忌
先是濟世在京因會議刑政與同官倉德訐奏不相能時倉
德適分巡岳常澧道上官令往摘濟世印卽署糧道事冀其
以報復其相傾害也倉德素剛正直呈其事於漕督御史胡
定復以其事入告遣大臣阿里衮會勘事得白巡撫以下降

謫有差復授湖南鹽道居數月以終養歸

高其倬漢軍人乾隆元年湖南巡撫有惠政城步綏甯猺變糾黨焚劫其倬偕總督史貽直遣兵分剿平之民無所擾擢戶部尚書卒諡文良

蔣溥常熟人乾隆八年湖南巡撫疏請綏輯苗猺慎選教職充講義學苗漸知化湖南瀕湖荒土築墾殆徧常有湖水衝決之患疏言不可再行勸墾興賢講學眾政畢舉官至大學士諡文恪

楊錫紱清江人乾隆十年湖南巡撫澄清吏治黜浮囂端士習重修貢院號舍改建城南書院於城內天心閣下延師講學一時文教振興十五年十八年再任湖南巡撫惠政尤多

晉禮部尚書卒諡勤懇

魏成漢廣東長樂拔貢乾隆十四年知善化縣潔已愛民聽斷如流修舉廢墜纂修舊志原委詳悉

開泰滿洲人乾隆十三年湖南巡撫戶部咨開湖南常平倉溢額穀五十餘萬石令糶價提存司庫開泰疏言臣查雍正年間舊額穀七十餘萬石乾隆三四兩年撥運福建江蘇二年至八年各省赴湖南采買通計百七十五萬石有奇若將溢額盡糶遇本省需用及鄰省糶撥必至倉穀缺額買補非易如所請行

陳宏謀廣西進士乾隆二十年任湖南巡撫勤敏廉明時江淮各屬秋潦成災奏截湖廣漕二十萬石備賑又請再動湖

善化縣志 卷之十一
南溢額倉穀碾米十萬石運濟平糶衡陽縣事繁奏析其半
爲清泉縣劾布政使楊灝侵扣穀價旋改撫陝西二十七年
復調撫湖南二十八年署湖廣總督兼巡撫事轉吏部尚書
嘗彙輯古名臣大儒法語爲從政訓俗訓士訓女養正五種
遺規又輯仕學遺規在官法戒錄諸書位至大學士諡文恭
吳達善滿洲人乾隆中湖廣總督兼署湖南巡撫嚴毅善治
盜巴陵積匪熊正朝僞稱縣人巡撫方顯之子鮮衣怒馬假
寓省城與紳士相結納因乘閒攫取材物達善捕到立寘之
法株連者薄治省釋有差自是盜賊斂迹

梁國治會稽人乾隆二十二年湖南按察使三十六年任巡
撫以經術飾吏治清風惠氣不戒以孚嘗重修唐鐵佛寺池

產青蓮一時咸以爲瑞官至東閣大學士諡文定

顏希深廣東運平人乾隆中湖南巡撫多善政請建普濟堂
於省治北關外以養惇獨至今賴之

李 湖南昌人乾隆中湖南巡撫重修嶽麓書院與前撫丁
思孔李發甲後撫陸燿並祀三閭大夫祠

劉 埔山東諸城進士乾隆四十五年巡撫湖南政簡刑清
吏民畏服以作育人材爲念公餘輒親至城南嶽麓書院與
山長並坐講堂論文談道士子環集聽講勸捐州縣社穀至
三十萬石位至大學士諡文清

葉佩蒸浙江歸安人乾隆四十六年湖南布政使護巡撫事
首捐廉倡增嶽麓書院經費札飭州縣遵行所定保甲規條

未及行遽以事去任嘉慶十八年其子鴻臚少卿紹揆奏陳直省保甲事宜並繕呈佩蓀原定章程皆已奉行佩蓀廉潔惠民大學士朱珪稱其陰德在民陽德律身蓋不誣也

吳 鴻仁和人乾隆中湖南學政值壬午鄉試鴻先期決科亟許丁姓丁正心張德安石鴻翥陳聖清五人必售揭曉姓首解正心德安鴻翥各中魁惟聖清名稍後鴻作詩紀事有云喜極轉添知己淚望深還慰樹人情人稱文章有神競傳爲佳話

盧文弼餘姚人乾隆中湖南學政以經學課士甄拔多名材嘗重刊明何孟春家語爲校正補遺

姚 頤泰和人乾隆中湖南學政校士公明時有冰清玉潔

之目竊擢湖南按察使亦以清惠稱

彭鳳堯廣東連山舉人乾隆四十二年知善化縣留心民事嚴禁賭博倡修考棚令明倫堂乃其舊址陞乾州軍民府改任去

荆道乾山西臨晉舉人乾隆四十七年知縣布衣糲食廉正有守不避權勢不媚上官歷任僅一年至今謳思不置官至安徽巡撫

錢 灃號南園雲南人由翰林改官御史彈劾不避權貴乾隆四十八年以通政司副使督學湖南杜請託剔弊端每試正襟坐廳事終日不倦取錄多知名士凡字畫破體省俗親與戒飭書法魯公畱任六年士皆畏而愛之祀名宦

善化縣志 卷之十八
特成額滿洲鑲黃旗人乾隆四十九年湖廣總督 奏湖南
每歲秋讞會奏督臣僅一聯名非崇實之意飭湖南臬司將
秋審略節先期呈送商定並奏請嗣後湖廣北南兩省秋審
督臣輪流會勘閒歲往巡一次並抽閱營伍復請增築苗疆
城垣以資保衛兼署湖南巡撫是歲湖北旱奏請碾運湖南
倉穀接濟均如請行

陸 燿吳江人乾隆四十九年湖南巡撫 奏嶽城書院肄
業者多請將從前積存息銀三千兩交商生息以充膏火湖
南社穀經前撫臣劉墉 奏捐節經前撫臣李世傑等催繳
其濱湖山僻各州縣家鮮益藏若執捐定數目責令全完則
民未沾借貸之益轉受追呼之擾請以見收穀數造報其未

收者停催如所請行

張姚成仁和人乾隆中湖南學政秉經酌雅力絀浮靡所刊
校士錄士羣奉爲程式

呂肅高河南人乾隆中知長沙府清廉慈惠軫念民勞時省
有荒店爲盜竊窩囿肅高訪拏嚴禁盜源以清又嚴禁遊棍
倡立喪行吹手分界阻索爲計程立價永定成規興利除害
之事不一延請名宿王文清張雄圖等修長沙府志並修蔡
忠烈祠及卒郡人建專祠祀之

張 博號約齋山西崞縣舉人乾隆五十九年由湘鄉檄知
善化洞達民情寬嚴並濟時值苗警藩司鄭議毀沿河民房
博堅持不可民得安堵一切夫役出價雇倩鄉城樂應夜宿

善化縣志 卷之十一
河干與民卒共勞苦上下皆安後屢權劇邑俱有聲
傳 龔號重菴浙江人由府經擢知縣乾隆六十年黔楚苗
變督師福康安檄赴湖南軍營以功陞鳳凰同知嘉慶四年
陞知府總理邊務由辰沅永靖道陞湖南按察使卒於任先
是征苗撤營後苗民叛服不常龔於三廳永保要隘建立礮
卡分練戍守計口屯田及獎犒養濟諸費移永綏廳治於花
園協營於茶洞設守備於黔邊前後練兵撫剿兼行奪還擄
掠民婦子女勒繳槍械器具苗始帖服復設苗弁以資彈壓
設義學以明禮讓請以乾鳳永保四廳於鄉試額內取中舉
人二名後卒加巡撫銜廳民呈請赴省祭奠立祠祀之祀名
宦祠

百 齡漢軍人嘉慶五年湖南按察使豪猾斂迹十年授湖
廣總督時洞庭湖幾成盜藪百齡遴選員弁捕緝幾盡行旅
以安官至協辦大學士諡文敏

光 環安徽舉人知善化縣嘉慶六年夏大水米昂貴長善
城鄉痞匪搶劫橫行環會同長沙知縣楊洽嚴飭差役拏獲
首犯梟示兩邑肅然並勸城鄉富紳捐貲賑饑全活無算
馬慧裕漢軍人嘉慶六年湖南巡撫清節愛士後擢湖廣總
督皆有惠政

阿林保滿洲人嘉慶九年湖南巡撫愛民好士其年值監臨
秋試貢院舊有大井汲用每屆試期味輒變飲之者多病阿
躬詣井禱泉忽清冽易名儲英泉尋擢閩浙總督

汪志伊桐城人嘉慶十一年湖廣總督著實字說以風勵有位進賢退不肖嘗閱邊湖南騶從不過數十人屏州縣供張日需薪米蔬菜皆自與以直所至民稱頌之

廣厚滿洲人嘉慶十六年湖南巡撫湖南自乾隆六十年苗變後經辰永道傅鼐均出苗民田土召佃收租以供各款經費一遇歉歲費常不敷前撫阿林保奏發儲備銀及苗倉積穀計五萬有奇廣厚奏減租五千餘石酌以中歲所入爲定額至今苗民賴之廣厚嗜學好士嘗刊儒門法語分給嶽麓書院肄業生以端士習

王餘英號菊潭山東之采進士嘉慶二十二年宰甯鄉有能聲調善化適邑乘甫脫稿餘英總其成重加刪訂志遂稱善左輔號杏江江蘇陽湖進士嘉慶二十五年任湖南布政使晉巡撫畱心教化嘗飭各學勤立月課作訓士程規刊布南關外妙高峯下宋張南軒建城南書院以講學日久頽廢乾隆初巡撫楊錫紱增建書院於南城內仍沿城南書院之名道光初元輔仍改建妙高峯故址規模宏敞兼設義學以訓寒微子弟士民感之

祁寯藻號春浦山西壽陽進士道光三年督學湖南杜請謁謹關防衡文有精鑿選拔皆一時名彥官至大學士祀名宦方伯疇巴陵人乾隆乙卯舉人選善化教諭以師道自任條教整嚴與諸生論文寒暑不倦士之貧者不責贄有不率者訶責不貸士林敬畏

善化縣志 卷之十一
孫 濂道光七年任善化縣丞有肆應才精習法律剖決分明尤能潔己愛民民隱有不能上達者爲力申上臺皆得所請民戴之如父母焉

程祖洛字問原號梓庭嘉慶庚午典試湖南取中多知名士道光庚寅任湖南布政興學課士清釐嶽城書院膏火食米積弊未久去任逾年復任湖南巡撫力除漕弊諸所興革風行雷厲吏役無敢作奸月餘調任江西巡撫去之先日親詣嶽城兩院闕課獎銀二百兩資助膏火士林德之

張錫謙字乙舟湖北黃安進士由戶部郎中調補長沙府道光六年醴陵水災撫恤倍至民德之時有創毀濱湖私圍議巡撫委錫謙往勘至則見小民田廬不下百餘戶因申言不可毀狀遂得免己丑歲試長令王涓以濫刑擅責文生激眾控大府適有宣言將罷考者大吏將發兵往捕錫謙力止之親往開陳撫慰事遂寢試畢大吏復檄窮治控案生童株連甚眾錫謙力主以平允定讞士民感誦

吳榮光號荷屋廣東南海人道光十一年由湖南布政使晉巡撫時值下游水災隨發倉穀設廠賑救越明年江華獠逆趙金龍倡亂戕官據邑八排諸獠從之提督海陵阿陣亡榮光請兵合圍勦辦迅速蕝事畱心學校創建湘水校經堂重修貢院籌備士子沙水捐銀千兩發典生息爲嶽城兩院中式獎銀政暇課士論文諄諄以力學勵品相勸勉士習民風一時丕振去日兩書院士子餞詩多至二百餘首

岳鎮南號文峯山東人道光辛卯典試湖南提督學政風格嚴整訓諸生敦品勵行務爲有體有用之學素有文癖每試出題危坐廳事必構藝成篇衡文以清真雅正爲宗一時甄拔多雋才後官雲南布政猶手不釋卷兩袖清風泊如也徐璿直隸舉人道光十二年知善化縣勤恤民隱聽斷明允無赫赫之威而民自悅服

方炳文湖北興國進士道光十六年知善化縣中正和平勤於聽斷案無畱牘獄無冤民

彭組達字蘭亭長沙人道光二十二年任善化駐防時游痞橫行賭風方熾組達不時巡查極力懲治街道肅清後以帶兵協勦首逆雷再浩敘功賞藍翎陞千總

張炳麟號子振山西附生道光二十二年任善化典史勤於緝捕密拏窩隱盜源旣清竊風自息民皆感之

彭世昌江西進士道光二十二年知善化縣秉性剛直不阿上意嚴懲盜賊境內肅清聽斷一秉至公雖雅意重士士無敢干以私者

曹笏江西進士道光二十五年知善化縣潔清自矢屏絕苞苴蒞治未久卒於任

易學超號小坪湖北漢陽舉人道光二十九年知善化縣適值下游水災饑民蟻聚隨稟大府開倉發賑並倡率富紳捐貲接濟四門設廠施粥施藥施錢無一夫不被其澤時四鄉無賴子結黨成羣挨戶坐食名爲排飯學超出示嚴拏拘案

善化縣志 卷之十一
懲治居民獲安

馬運鑾衡陽舉人善化教諭文宗先正待士有禮課文手自評騭敝衣蔬食淡泊自甘程春海學使贈聯云絳帳生徒半儒雅白眉品望古賢良

萬貢珍號荔門陽羨人湖南布政使政尚廉明兩護巡撫道光二十九年下游大水荒民絡繹餓殍在道貢珍督屬勸賑多設粥廠全活以億萬計

趙炳言號竹泉浙江進士道光十三年湖南按察使舊時京案干證未集許展限多株累吏得婪索炳言嚴禁之控不實者反坐舊案一月悉清湘潭民有冤獄窮治峻訟者獄乃平二十九年由北撫授湖南巡撫先歲秋雨連旬禾盡壞次年

夏青黃不接穀價昂貴民大饑坐索富戶又兼下游大水荒民絡繹至省炳言捐廉在楚北買米千石倡賑勸紳士捐助設粥廠百餘所不時率屬至廠親自嘗粥凡三月其餘災區齋銀往賑全活無數又奏請借給各廳苗民穀並酌減屯田租額以示體卹苗疆安謐以內升刑部侍郎去任祀名宦徐澤醅號梅嶠漢軍人嘉慶庚辰進士道光末官湖南按察使治獄公明恩威並著候補縣楊國棻聽妾駱氏讒幽錮次妾周氏於土牢氣未絕閉諸棺停柩鐵佛寺澤醅訪知親往啟驗得悶斃確傷駱自經楊落職盡斃其同謀於獄聞者稱快後官至四川總督

潘鐸字木君江甯人壬辰庶常咸豐壬子由河南巡撫降

調湖南布政使抵任時粵匪圍攻城南鐸由北城縋入率文武登陴守禦籌畫備至以重賞激勵將士或以虧帑爲疑鐸曰毋爲賊守某司度支請任其咎城賴以完賊退署湖南巡撫明年春以疾假歸餞送塞途同治改元署雲貴總督以狗變殉節諡忠毅今並祀駱文忠祠

駱秉章號籲門廣東花縣進士授職編修道光三十年巡撫湖南時廣西髮賊已熾秉章督屬修固城垣風雨無間咸豐二年賊撲省治張撫亮基接篆或勸以北上爲避難計毅然不去日偕舊僚竭力守禦圍解奉命仍撫湖南推誠布公吏治澄肅時賊已陷金陵烽火徧東南各省時曾國藩以侍郎在籍團練討賊諸艱棘手秉章事事助之禮聘舉人左宗棠

入幕運籌鉅細創立湘軍各營念練軍先在籌餉時國課多逋極力裁汰陋規餉裕而兵益奮援鄂援江援黔粵湘軍所到無不克捷咸豐八年京察 賞戴花翎頭品頂帶十一年川賊披猖督師入蜀以次勦平旋總制四川晉太子太保銜賞換雙眼花翎加一等輕車都尉世職陞協辦大學士六年薨於位晉太子太傅諡文忠蜀民縞素巷哭柩過湖南士民泣奠於道祀名宦

王葆生號初田安徽鳳陽人咸豐初知長沙縣改任善化適粵逆撲南城各處官兵雲集軍需緊急戰守兼籌葆生嚴內奸禦外侮聯絡紳士聲息相通巡視城南八十餘日省城得以固守繼以帶勇勦除郴桂土匪加花翎知府陞任督糧道

署岳常禮道布政司銜卒於省寓

鄭毓誠拔貢生咸豐二年善化縣丞時粵逆下竄郴桂暗通四鄉土匪爲內應毓誠奉檄帶勇會同團紳緝拏捉獲匪徒殷九鬚子等十餘人搜出槍矛旗幟解省正法後粵逆犯省鄉里獲安毓誠之力也

余士鏡號月潭平江舉人善化教諭品優學粹師範克端月課生徒講論不倦咸豐壬子奉檄帶勇回平江堵剿出力保陞知縣去任

塔齊布字智亭滿洲人沈毅有膽識由三等待衛揀發湖南都司咸豐壬子秋粵賊薄城南以守城功晉藍翎遊擊權參將篆侍郎曾國藩在籍辦團器之疏稱其忠勇絕倫旋以功

遷花翎副將四年賊復由黃州上竄長沙喬口靖江一帶分股由陸路繞甯鄉陷湘潭意圖上下夾攻省城塔齊布率兵千三百人迅速繞道抵潭會同彭玉麟水師夾擊遂大破之乘勝追殺焚溺死者無數餘賊奔回岳州凡八日而湘潭平省城解嚴是役也轉危爲安士氣大振擢總兵陞提督七月大敗賊於岳州斬首逆曾添養岳州平湖南遂全境無賊矣齊布忠勇性成於左臂涅刺忠心報國四字五年七月以勞卒於九江營次諡忠武建祠省城

惲世臨號次山江蘇陽湖進士由庶常改官吏部出守湖南常德有惠政洊陞本省巡撫整飭官方嚴馭胥吏非命盜重案毋許多差擾累州縣肅然勸捐積穀以備凶荒革錢漕積

弊以甦民困並通飭各屬舉報節孝皆由學造冊會縣逕詳院轅以免煩費俾窮嫠苦節咸得表揚以公過被議去任時清風兩袖邦人士爭躋之同治己巳起用以病乞休

蔡式鈺甘肅進士咸豐十年署任善化聽斷明允苞苴不行以廉明稱陞靖州直隸州去任

德 鈞號衡齋漢軍舉人咸豐十一年調任善化清潔愛民一塵不染時軍務旁午一切簿書皆躬自裁決聽訟慈仁民自不冤

張 勤巴陵舉人善化教諭操嚴性易究心經義與諸生論文寒暑不輟卓有名士風

何濬年號澹川榜名澤洪邵陽人咸豐辛亥省元同治三年

選善化教諭時學宮重建文教振興日與諸生以詩文相切劇以疾卒於署士林惜之

田錫欽號惺齋永順舉人善化教諭性篤厚不以俗務易操師範莊嚴課士衡文不計脩費多所成就

宋邦德號惠人安徽舉人由主事擢御史同治十二年知長沙府治獄平恕實惠及民興義學恤嫠婦施醫藥賑孤貧惜字放生修橋築隄種種善舉次第施行卒之日有嫠婦數百持香號泣公堂爲自來所未有者輓章盈帙遺愛長存焉

流寓

附

漢 賈 誼洛陽人年十八郡守吳公薦爲博士遷大中大夫上

言易服色改正朔一制度定官名興禮樂悉更秦法文帝欲任以公卿絳灌等短之出爲長沙王太傅意不自得度湘作賦以弔屈原三年有鵬鳥入舍爲賦自廣後召對宣室帝歎其才遷梁王太傅年三十三卒今德潤門內濯錦坊側有誼故居及井牀祠祀在焉

南北朝

孫淡太原人事母孝母病不眠食以瘥爲期豫王領湘州辟驃騎將軍卒於家

唐

杜甫字子美襄陽人大曆四年自岳陽之潭州次欲適漢陽又欲歸秦皆不果卒畱潭居焉

裴休字公美濟源人乾符中由太子少保分司東都歷荆

南節度鎮寓居長沙築舍縣西金牛岡讀書有裴公草堂

朱葆光南陽人朱全忠篡唐葆光挈家南渡寓潭州

五代

蔡郢高安人仕莊宗爲檢校尚書領洪都三百餘戶開墾潭州遂家焉

徐仲達關中人馬王希範辟爲學士時制度奢僭仲達規正不從後邊鎬入長沙周行逢慕其名欲用爲節度以疾辭終身不仕

宋

歐陽修廬陵人弱冠寓長沙訪湖南理學謁翰林學士胥偃

優奇其文妻以女修寓居焉

張浚號紫岩廣漢人相高宗封魏國公以觀文殿大學士

偕子栻字敬夫號南軒之潭州因家焉時胡五峯講學衡州栻往師

事之歸築城南書院於妙高峯與朱子晦菴講中庸義理朱

子稱其卓然有見

鄒浩字志完號道鄉晉陵人元豐間進士哲宗召對除右

正言上疏言章惇罪削官徽宗立召為中書舍人蔡京忌之

謫衡州過長沙守臣溫益下逐客令風雨夜渡湘江僧列炬

迎之後張敬夫為築臺朱子刻石曰道鄉祠在嶽麓

崔比字應奎江西安福人洞悉天文講求性命之旨紹興

時以孝行聞屢辟不起賜太守冠服寓居湖湘自號密湖散

人曾有伐蛟平患之功後人祀為湘神名其葬地曰伏龍山
明

周辛甫江西人從燕王靖難封都指揮簽事後隨谷王之長

沙授衛指揮捐修嶽麓書院講堂曾孫滕芳官長沙指揮

張元忭號陽和山陰人隆慶辛未狀元萬曆壬午以使事入

長沙兵備李天植畱寓嶽麓書院及陶公祠教諸生於中著

有惜陰篇詩記

王守仁字伯安餘姚進士正德中謫貴州過湘宿壽星觀汎

沅湘作辭弔屈原寓嶽麓有詩

蕭文中鐵嶺貢生天啟中任長沙糧捕兩廳氣節稜稜以親

老無寓可歸遂僑居省城

國朝

王 璋號仲珣原籍順天大興人嘉慶季年分發湖南歷署永順沅陵知縣卓有政聲道光中年以目疾告退疊葬祖墓於邑之南鄉卜居省城稻田置造園亭往來名宿詩酒唱酬園內有塘廣袤約數畝清流似鏡旁蒔花竹中可通舟顏曰小瀛洲一時稱勝境焉

張文宏字偉濟號拙菴原籍黃州 國初由長沙守府歷陞廣東瓊州總戎府威惠並著有儒將風卒葬城南洪恩寺側子定邦遂隸善籍後起彬彬焉

楊兆杏兆李同懷兄弟先世雲南昆明人祖文賜官永綏貧不能歸因家黔陽兆杏乾隆己酉拔貢嘉慶戊午北闈舉人官湖北知縣子積煥國子監典籍兆李字仲燮學有實行中乾隆甲寅舉人歷任河南汝甯歸德知府恤災慎刑敦崇教化建泌陽銅鋒書院陝州召南書院兼設義學以培士風解組家省垣從事學徒一時稱盛子積煦貢生官河南汝甯新恩通判鄭州禹州知州煦子基善拔貢生以歷居省垣年例相符入籍善化

